


成案質疑

雜犯一

卷二十六




			九二四八	漢書門
七五〇六				
冊架函號類				

庫文閣內				
九二四八	漢書			
七五〇六				
冊架函號類				

內閣文庫	
番號	漢 9248
冊數	75 (70)
函號	296 100

七十



成案質疑

雜犯

拆毀申明亭

捐毀

龍牌

失察賭博

失察賭博雖公出仍應議處

舟中賭博又取失察職名

舟中賭博失察免議


失察賭博將從前之加級紀錄一槩銷去

武林洪引緒舉山甫

同輯

鏞谷饒瀚敦夫甫

淺草文庫



舊遺殘牌共賭飲食文武官免議
搥攤賭錢地方官失察例無處分

夥眾跌錢因無賭具照違 制律滿杖地方官失察亦免處分

跌錢頑耍與牌骰賭博不同地方官免議

跌錢賽賭地方官失察例無處分

議叙議處兼任官不得兩處重複

造賣骰子知縣訪拏與史不同議叙

造賣賭具約地不知情免罪知州拏獲吏目一體議叙

造賣賭具地甲雖不知情重杖及典史拏獲知縣亦議叙

借板刷印紙牌與雕刻之人一例充軍地方官拏獲功過相抵隣人

不知免議

先因造牌後 赦免罪後復造賣止照例定擬免其加等及拏獲之

官功過相抵不准議叙

離任之日屬員拏獲賭具仍議叙

拿獲賭具加級不准隨帶

偶然聚賭及抽取場上數文之人枷責完結

現遇 恩赦回歸旂籍又犯賭博亦在 赦前仍應寬免

買牌未賭止予滿杖

買骰本欲賭博並非販賣照賭博例治罪

買有賭具無多止圖戲頑並不轉賣者滿杖

生員犯賭仍照例枷責免其加等

外委官犯賭斥革枷責免發別省入伍

旂人犯枷號兩個月者與流罪同

營弁搥攤斥革押發別省入伍

查攤賭輸浮開銀數稟首

醉後查攤輸欠多銀因人欲將別項抵算以致訐訟及地方官失察
例無處分

因欲跌錢乘機行竊

猜錢賭勝負

翰林監闕蟋蟀革職免流餘犯止擬重杖

開場招闕蟋蟀照例杖徒及熱審期內到部亦依例減等

借油賭博亦問枷責

觀看賭博滿杖

賭飲食

鬪牌賭食紅柿

造賣賭具因禁後初次違犯從寬枷責完結

造散器具藏匿不燬

置造木散原因賭錢非欲出賣仍照賭博例治罪

藏匿器具賭具照造賣為首例充軍

造賣賭具再犯者遠遣

製造紙牌援 赦免罪

製造賭具援 赦免罪

雕刻牌板置造紙牌援 赦免罪

製造紙牌未賣減等擬徒

牌版雖係他人雕刻但已印刷造賣即同為首治罪

牌板雖係買自路人但已印刷造賣即依為首例治罪

窩留軍犯造賣賭具即依造賣為首例治罪及先因置造賭具發遣

復在配置造改發種地

借給住屋造賣紙牌比例杖徒保甲失察比例笞儆

造賣紙牌雕刻與描畫分別治罪

描畫紙牌減等治罪

閹割火者

私行閹割

囑託公事

京官子弟挾制

失火

衙署失火

公廨失火延燒

悞燒公文懼罪不報

兵丁失火燒燬器甲將弁罰俸賠補

燒燬火藥等物

火從地發燒燬火藥

倉廩失火

失火延燒倉糧

民房失火延燒倉庫等項不應令地方官分賠

漕船失火

站船失火延燒責令地方官公捐賠造

賠修快船遲延題叅降級後雖修完不准開復

竊取當貨放火燒房希圖掩飾

僧道官失火

放火故燒人房屋

放火燒船比例治罪

搬做雜劇

民間演戲未便一概禁止

成案偵疑

武林洪和緒阜山甫
同輯
繡谷飭瀚敦夫甫

雜犯

拆毀申明亭

損毀 龍牌

康熙二十三年二月刑部覆浙撫王國安疏孝豐縣革職典史余玫

捏款扳毀

龍牌一案查余玫於

大計該縣知縣趙廷嘉以浮躁揭報入冊余玫懷恨聽革職教諭張尚綱

主唆捏款康熙二十二年正月初一日叩賀元旦之時持摺扳

龍牌喊訴以致損毀

成案偵疑

卷二十一 雜犯

拆毀申明亭

龍牌張尚綱汝摺挾詐該撫審余政所控趙廷嘉勒詐私派等項屬虛余
政誣告輕罪不議外余政張尚綱俱合比照凡沖突儀仗妄行奏訴
者追究主使教唆之人各杖一百發邊衛充軍所奏情詞不分虛寔
立案不行律各愈妻發邊衛充軍王耀如牽連無辜依凡申訴不寔
律杖一百事在

放前王耀如免罪朱家仕代寫書札依不應重杖奉
旨依議

賭博

失察賭博

康熙二十九年 月刑部疏林茂堂殺懷琳一案失察賭博之魏縣
知縣等交吏部議查定例官員失察賭博者罰俸一個月等語應將
魏縣知縣張 署清豐縣事本縣縣丞王 照例于現任內各罰俸
一個月

失察賭博雖公出仍應議處

雍正六年 月吏部議覆永順宣御史苗 叅萬全縣一案典史李
天祐失察賭博雖經委署公出但例內並無因公出境免議之條應
照例罰俸

舟中賭博又取失察職名

康熙三十六年 月刑部覆福撫

題查黃升與王德葉已同僱

宋郎船隻販賣柴米有黃兼搭船葉已出錢分與黃升等四人在船
賭博黃忠希圖嚇詐約董賜曾成拿賭黃忠上船扭扯王德持槩毆
黃忠額角黃升持棍打黃忠右肋殞命宋郎商同黃升等抬屍拋水
黃升依共毆人下手傷重律擬絞監候王德依執持兇器有致命傷
痕律發邊衛克軍宋郎葉已依棄他人死屍不失律宋郎爲首杖一
百徒三年葉已爲從杖九十徒二年半黃兼照例枷號兩個月責四
十板董賜曾成依不應重杖錢文照進入官失察賭博晉江縣知縣
典史應交與吏部議

舟中賭博失察免議

康熙三十七年八月刑部覆江撫宋 疏景慶之等殺死陳公于一
案該撫疏稱景慶之舟中聚賭地方官無從稽查失察職名應免叅
等語應毋庸議奉
旨依議

失察賭博將從前之加級紀錄一槩銷去

雍正十二年七月刑部議覆廣撫金 題馬平縣熊老晚等聚賭浦
廷舉等各造賭具一案奉

旨依議張應宗金鉞着紀錄二次高其倬雖膺總督之任而于地方事務
全不經心整理負朕任用况廣西與雲南相隔甚遠彼地拏獲賭具高
其倬憑何居功濫邀議叙不必賞給紀錄從前拏獲賭具官員議叙從
優者原爲力禁地方賭風起見倘該員等但察究數案爲倖叨議叙之
舉其餘仍急于稽察是徒邀國家之恩而于地方賭風毫無裨益凡大
小官員等有因拏獲賭具邀恩議叙者嗣後所屬地方有賭博之事失
于覺察除照例議處外將從前議叙之加級紀錄俱照案銷去永着爲
例

舊遺殘牌共賭飲食文武官免議

雍正十三年正月刑部據廣東巡撫楊 咨稱大埔縣三河司巡檢
書役黃鴻等在許碧海店內聚賭飲食一案緣黃鴻原充三河司巡
檢書識值烏槎司巡檢史炯奉委署理三河司巡檢事務黃鴻跟隨
前至烏槎司駐劄之高波衙門辦事寓于許碧海糕店因店房床脚
朽爛雍正十年九月二十八日移開修整在床下積艾草堆檢獲舊
葉殘牌十三張未及銷燬十月初一日黃鴻同三河司巡檢弓役何
元及烏槎司巡檢弓役連陞伺候點卯未喫早飯同在許碧海店中
共食米糕適有熟識之羅阿撰赴墟買烟經過黃鴻邀入同食四人
共食糕錢四十文未償黃鴻起意將所拾殘牌戲賭東道何元等應
允議定各抽一張分牌色紅黑以定輸贏所贏之錢各不入己以還
糕價何元即在身上取錢二十文置于桌上賭未移時旋有練總羅

錫華汎兵許炎等同至拏獲當經汎兵將殘牌執繳汎弁練總隨將黃鴻等押帶稟送途遇弓役黃順協同稟解巡檢該巡檢史炯即令弓役黃順領押詳解因役少犯多又兼墻垣倒塌黃鴻等即于是夜乘間潛逃嗣據該巡檢練總人等于十年十一月初六等日陸續獲解各犯供係戲賭飲食並非賭博所用賭具乃係不全殘牌並非自製自買黃鴻除賭飲食輕罪不議外其檢拾殘牌不行銷燬應照違制律杖一百係書識照例加一等杖六十徒一年又犯罪被獲脫逃再加二等黃鴻應杖八十徒二年至配所折責三十板何元連陞羅阿撰共賭飲食應杖八十查何元連陞係巡檢弓役應照例加一等杖九十又被獲脫逃再加二等應各杖六十徒一年至配所折責二十板均革役俟徒限滿日回籍地方官嚴行管束不許出境許碧海雖非存留賭博亦無故頭抽頭情事但身為店主任黃鴻等聚賭飲食不行阻止且知黃鴻檢拾殘牌又不令其即行銷燬應照不應重律杖八十但該犯被獲又與羅阿撰同逃各加逃罪二等許碧海羅阿撰均應杖一百各折責四十板照例先行發落賭場錢二十文應于何元名下照追入官弓役黃順失于防範以致黃鴻等脫逃應比照獄卒不覺失囚者減囚罪二等律擬但各犯已于限內捕獲應照律免罪烏槎司巡檢史炯查知黃鴻等共賭飲食即着弓兵黃順前住協拏又經詳報與衙役犯賭本官自行查報免議之例相符所有疎縱黃鴻等脫逃職名係大埔縣烏槎司巡檢史炯相應附叅但逃犯黃鴻等俱于限內獲報應否邀免聽候部議至本案止賭飲食並非賭博賭坊應免變價賭具實係舊遺殘牌並非造買文武失察職名應請免開殘牌應行銷燬等因前來應如該撫所咨將黃鴻等各照徒杖發落完結賄錢二十文照追入官已獲殘牌應行銷燬可也

行阻止且知黃鴻檢拾殘牌又不令其即行銷燬應照不應重律杖八十但該犯被獲又與羅阿撰同逃各加逃罪二等許碧海羅阿撰均應杖一百各折責四十板照例先行發落賭場錢二十文應于何元名下照追入官弓役黃順失于防範以致黃鴻等脫逃應比照獄卒不覺失囚者減囚罪二等律擬但各犯已于限內捕獲應照律免罪烏槎司巡檢史炯查知黃鴻等共賭飲食即着弓兵黃順前住協拏又經詳報與衙役犯賭本官自行查報免議之例相符所有疎縱黃鴻等脫逃職名係大埔縣烏槎司巡檢史炯相應附叅但逃犯黃鴻等俱于限內獲報應否邀免聽候部議至本案止賭飲食並非賭博賭坊應免變價賭具實係舊遺殘牌並非造買文武失察職名應請免開殘牌應行銷燬等因前來應如該撫所咨將黃鴻等各照徒杖發落完結賄錢二十文照追入官已獲殘牌應行銷燬可也

搗攤賭錢地方官失察例無處分

雍正十一年三月刑部先據廣撫楊 咨稱潮陽縣民鄭亞舜開場賭博姚殿正因賭被父責罵投水身死一案緣姚殿正鄭茂欽姚亞同等於雍正九年正月十二日聚飲鄭亞舜書館各皆酒酣姚殿正忽欲賭博鄭亞舜出錢一千文作為籌馬共相賭博鄭亞仙往覓鄭亞舜亦即同賭鄭亞舜姚亞同鄭茂欽鄭亞仙等同贏得姚殿正錢四十六千六百文十四日早姚殿正帶錢一十八千三百文併帶銀二十七兩銀手鐲一付重二兩八錢二分作錢一千三百文償給賭賬姚亞同得錢四千文鄭茂欽得錢四千六百文鄭亞仙得銀十七兩鄭亞舜得銀一十兩又錢四千七百文銀手鐲一付鄭亞舜又得伊弟鄭亞遇代抽頭錢五千文各犯復欲再賭而姚殿正之父姚振琦因媳告知不見銀錢手鐲意必姚殿正持去訪聞在鄭亞舜館內

聚賭徑赴查拿見門關閉隨登牆望見大聲喝罵姚亞同等各即奔
逸姚殿正亦從後門潛回姚振琦聲言送寃姚殿正驚惧投水殞命
疑親稟報歷審不諱將鄭亞舜擬徒鄭亞仙鄭茂欽姚亞同擬以枷
責鄭亞遇并保正鄭式爵擬以杖笞等因咨部本部以賭博事犯必
寃賭具所從來今鄭亞舜等開場聚賭抽頭既有籌馬必有賭具明
係地方官希免處分混以搥攤一語故為掩飾事關賭博致死人命
不便牽結應令該撫再加確審妥擬具題到日再議等因咨駁去後
今據該撫咨稱嚴訊各犯堅供當日實因酒後姚殿正說起賭錢用
錢搥攤實無別項賭具等語質之保正鄭式爵亦供各犯實係搥攤
並無賭具再三研訊矢口不移各犯應照原擬鄭亞舜合依初犯開
場誘賭抽頭杖一百徒三年例應杖一百徒三年至配所折責肆十
板俟徒限滿日回籍交與地方官嚴行管束不許出境鄭亞仙鄭茂

欽姚亞同俱合依賭博例各枷號二個月折責四十板鄭亞遇係保
從兄命抽頭並無入已應照不應重律杖八十折責三十板保正鄭
式爵雖無知情故縱但不行查拿應照總甲例笞五十折責二十板
革退保正已經分別枷責發落鄭亞舜賭場書館一間并各犯賭博
錢文手鐲照追入官斷有失察賭博職名係潮陽縣典史馮灝原任
潮陽縣知縣調補南海縣知縣因病離任閱黯合併聲明等因前來
查該撫既稱鄭亞舜等實係用錢搥攤並無另有賭具等語應如該
撫所咨將鄭亞舜等照例杖徒枷責追贓完結可也

夥眾跌錢因無賄具照違 制律滿杖地方官失察亦免處分

乾隆二年三月刑部會議蘓汀等毆傷許雪卿身死一案據福撫盧
疏稱緣蘓汀原籍惠安縣至福清縣同陳笑均係擡夫覓食與許
雪卿素相熟識乾隆元年正月初十日許雪卿途遇蘓汀陣笑併乞
丐王三彼此約同跌錢賭博遂借至王三棧歇之破倉內各出錢十
數文輪跌輪贏王三因錢輸盡已進內炊爨蘓汀等三人共跌時陳
笑錢亦輸空只蘓汀剩錢三文又被許雪卿賭贏蘓汀即混賴奪錢
許雪卿遂扭蘓汀蘓汀爭嚷陳笑向前勸解不放陳笑隨以拳打傷
許雪卿右脊背許雪卿舍放蘓汀回身趕打陳笑蘓汀亦用拳毆傷
許雪卿左脊背許雪卿受傷倒地蘓汀等俱各奔遁王三聞嚷趕勸
無及許雪卿傷重是晚殞命屢審不諱將蘓汀等擬以絞候枷責等
因具題應如該撫所題蘓汀除跌錢輕罪不議外合依共毆人傷皆

致命以最後下手重者當其重罪律擬絞監候秋後處決陳笑王三夥同跌錢並非賭具不應如該撫所題依賭博例枷責陳笑毆傷許雪卿右脊背應依餘人律杖一百查律內凡二罪俱發以從重論各等者從一科斷等語今陳笑與王三夥同跌錢俱合改依違

制律杖一百各折責四十板該撫既稱保長鄭孔治離倉遠訊無容隱後即查實稟報應予免議至在場所賭錢文悉被許雪卿贏去應請免追等語應均無庸議再該撫疏稱失察賭博職名捕官係福清縣典史章銓印官係福清縣知縣莊年理合附叅聽候部議等語查許雪卿等各出錢十數文輸跌輸贏與牌骰賭博者有間應將典史章銓知縣莊年均無庸議奉

旨 欽 此 依 擬 應 絞 著 監 候 秋 後 處 決 餘 依 議

跌錢頑耍與牌骰賭博不同地方官免議


乾隆二年十月刑部會覆博羅縣民張仕華戳傷徐彥揚身死一案據署廣撫鄂 疏稱緣乾隆二年正月初二日下午于徐彥揚前至張仕華家閑坐張仕華遂與徐彥揚各出錢數文在門外跌錢頑耍張仕華贏錢三文徐彥揚欲行奪回張仕華不與致相爭鬧徐彥揚拾石向擲張仕華避入屋內徐彥揚跟進肆罵不休張仕華情急持刀恐嚇徐彥揚復拾石拋擲張仕華隨手用刀抵格不期戳傷徐彥揚心坎右邊倒地時有徐彥揚之姪徐亞妹經過趨救不及奔報伊伯徐彥高至看徐彥揚業已傷重殞命屢審不諱將張仕華等擬以絞管等因具題應如該署撫所題張仕華除跌錢輕罪不議外合依開毆殺人律擬絞監候秋後處決約保會朱陳失于稽查合依總甲例笞五十會朱陳事犯在乾隆二年四月十六日

恩赦以前應免罪仍革去約保該署撫既稱張仕華贏錢三文據供丟棄毋庸議追門外偶爾跌錢與開場聚賭有間其屋應免入官等語均應毋庸議再該署撫疏稱本案失察職名係博羅縣典史姜文德知縣陳有為相應附叅但張仕華等各出錢數文新年相跌頑耍並無賭具與寔在賭博不同失察各員應否邀免聽候部議等語查張仕華等出錢數文相跌頑耍與牌骰賭博者有間應將典史姜文德等均無庸議奉

旨張仕華依擬應絞着監候秋後處決餘依議

跌錢賽賭地方官失察例無處分

乾隆四年十二月刑部會議覆永安縣民廖輝發等踢打徐雲才身死一案據署廣撫王 疏稱緣徐雲才之母羅氏畜有猪隻乾隆三年十月十九日着徐雲才趕赴涇子墟賣錢七百文適廖輝發廖元發同在墟場午候墟散徐雲才喚廖輝發等同出墟外跌錢賭博徐雲才輸與廖輝發錢三百文又輸與廖元發錢二百文徐雲才不肯交給廖輝發等見其腰纏有錢遂向解取廖輝發兩手抓住徐雲才食氣額連右血盆骨廖元發抓住徐雲才左血盆骨徐雲才咬傷廖元發右手腕廖元發亦咬傷徐雲才左手肱徐雲才掙脫向打廖元發廖元發用拳抵格中傷徐雲才右脇廖輝發詈罵徐雲才賴錢徐雲才拳傷廖輝發右額角廖輝發回脚一踢中傷徐雲才左腰眼倒地擦傷右手腕脊背腰間之錢散落在地廖輝發即拾取串上整



錢三百文廖元發亦檢散錢二百二十一文而散餘錢不知何人拾去時有廖應發在旁觀看見扭結奪錢即奔回家不行勸阻徐雲才起身行至曾粵秀店中告知被打情由曾粵秀即扶掖徐雲才歸家告知伊毋羅氏詎徐雲才傷重旋即殞命屢審供認不諱將廖輝發等擬以絞候枷責杖笞等因具題應如該署撫所題廖輝發除跌錢賭博輕罪不議外合依共毆人傷皆致命以最後下手重者當其重罪律擬絞監候秋後處決該署撫既稱廖元發除共毆依餘人律滿杖輕罪不議外合依賭博例枷號兩個月杖一百廖應發在場不行勸阻應照不應重律杖八十約役彭粵明失于查拿應依總甲例笞五十仍革役枷杖笞罪各犯遇熟審照例先行分別減免枷責發落徐雲才猪錢七百文廖輝發廖元發共認取錢五百二十一文應于各犯名下照追入官餘錢據供不知何人拾去應予免追等語均應

如該署撫所議完結再該署撫疏稱本案失察跌錢職名係署永安縣典史事來粵以雜職委用張瀚永安縣知縣裘曰菊但徐雲才等用錢跌擲並無賭具與牌骰賭博者有間失察各負應否邀免聽候部議等語查失察賭博例內無跌錢議處之條失察各官應無庸議奉

旨廖輝發依議應絞着監候秋後處決餘依議

議敘議處兼任官不得兩處重複

雍正十一年十二月刑部會議覆川撫憲 具題灌縣拿獲王應爵
等違禁造賣紙牌一案應將文職拿獲私造賭具之灌縣白沙河巡
檢潘瑞宗灌縣典史姚世昌均照例各准其加二級署城都府事叙
永同知馬世漢照例於現任內准其加一級松茂道鄭其儲抄察使
高維新巡撫憲 總督黃 均照例各准其紀錄二次武職署成都
城守左營守備張文璧照知縣例於現任內准其加二級署城守營
叅將李文秀照知府例於現任內准其加一級兼管提督事總督黃
准其紀錄二次奉

旨依議此本內黃廷桂議敘之處該部照例於總督任內議敘又於署提
督任內議敘但拿獲賭具僅一案以一人而兩處議敘未免重複憲德
黃廷桂俱着紀錄二次嗣後有似此一人而兼數任者遇有議敘事件

若僅止一案只就一任內議叙如遇有處分事件亦只就一任內處分將此永着為例

造賣骰子知縣訪鞫典史不同議叙

雍正九年十一月刑部會議覆商河縣民趙吉玉造賣骰子二案據東撫岳 疏稱趙吉玉釘秤生理于雍正八年秋間陸續潛造骰子賣與不知姓名人四十餘副共得小錢一千五百文至十月內經該縣知縣王謙訪拿歷審不諱將趙吉玉照造賣骰子為首例發邊衛永遠克軍地方齊岳鄰佑孟宣等擬以杖罪照例先行折責發落等因具題應如該撫所題趙吉玉合依造賣骰子為首者發邊衛永遠克軍例僉妻發邊衛永遠克軍至配所杖一百折責四十板該撫既稱地方齊岳鄰佑孟宣侯文周應照不應重律杖八十折責三十板照例先行發落其買骰子之人該犯堅供不知姓名免其查究等語均無庸議趙吉玉所得小錢一千五百文照追入官所獲賭具等物悉行銷燬再該撫疏稱緝獲趙吉玉造賣賭具係商河縣知縣王謙

濟南府知府楊在魁濟東道副使張體仁按察使唐綏祖相應開列
聽候部議至臣岳 職任封疆分應查察不敢仰邀議叙等語查定
例地方有造賣賭具之家該縣能緝拿懲治知縣加二級知府加一
級撫司道紀錄二次又定例拿獲本境賭具如製造不過半年即能
實力稽查拿獲者送部議叙等語今趙吉玉于雍正八年秋間潛造
骰子貨賣于本年十月內經該縣知縣王謙訪拿起獲在半年之內
准予議叙應將拿獲造賣賭具之知縣王謙准其加二級濟南府知
府楊在魁准其加一級濟東道張體仁按察使唐綏祖准其紀錄二
次至巡撫岳 雖稱職任封疆分應查察不敢仰邀議叙等語但例
應議叙將巡撫岳 准其紀錄二次奉
旨依議岳濬准着紀錄二次

造賣賭具約地不知情免罪知州李獲吏目一體議叙

雍正十年二月刑部會議覆武安州民岳來工等造賣紙牌一案據
東撫岳 疏稱岳來工因貧難度日尋至素造紙牌之張世進家商
謀合夥造賣張世進依允岳來工遂借伊認識之趙奇玉房屋言定
得利均分遂于雍正八年十一月十七日至趙奇玉家置辦物料共
做牌七十餘塊岳來工携出賣與不知姓名人得小錢六千文銀五
錢二分旋被署武定州事萊蕪縣知縣周俊等訪聞拿獲歷審不諱
將岳來工等擬以軍流等因具題應如該撫所題岳來工應照造賣
紙牌為首者發邊衛克軍例僉妻發邊衛克軍至配所杖一百折責
四十板張世進趙奇玉俱應照為從者流二千里例僉妻流二千里
至配所杖一百各折責四十板趙奇玉年逾七十照律收贖該撫既
稱審訊約地趙之春等並無知情隱匿情弊其造賣器具俱已銷燬

等語應無庸議岳來工賣牌所得銀錢照追入官再該撫疏稱查地方有造賣賭具之家能緝獲懲治者縣府司道等官并督撫均有議叙之例今緝拿岳來工等造賣賭具之署武定州事萊蕪縣丁憂知縣周俊武定州吏目劉嘉渭濟東道張體仁按察使唐綏祖署巡撫王協辦巡撫劉應否議叙聽候部議等語查定例地方有造賣賭具之家該員能拿獲懲治者知縣加二級知府加一級督撫司道紀錄二次等語除武定州吏目劉嘉渭已經別案革職無庸議外應將拿獲造賣賭具之署知州周俊照例于補官日准其加二級查武定州係直隸知州應將管轄之濟東道張照知府例准其加一級按察使唐綏祖署巡撫王協辦巡撫劉照例于現任內准其紀錄二次奉

旨依議王國棟劉於義俱着紀錄二次

造賣賭具地甲雖不知情重杖及典史拏獲知縣亦議叙

雍正十年二月刑部會議覆朝城縣民焦懷印造賣紙牌一案據東撫岳疏稱焦懷印因貧難度日向刻字匠于克飛買牌板四塊恐被人知覺刨掘地窖陸續私造紙牌二百副賣給不知姓名人共得小制錢十千文于雍正九年正月初八日被本縣典史拏獲起有牌板剪刷等物歷審不諱將焦懷印照例擬軍不行稽查之地方陳剛甲長焦懷章擬杖先行發落等因具題應如該撫所題焦懷印應照民人造賣紙牌為首者發邊衛永遠充軍例僉妻發邊衛永遠充軍至配所杖一百折責四十板該撫既稱不行稽查之地方陳剛甲長焦懷章但照不應重律杖八十各折責三十板照例先行發落革役刻造牌板之于克飛已經病故牌板剪刷等物已經銷燬等語均無庸議焦懷印所得賣牌小制錢十千照追入官再該撫疏稱緝拿焦

懷印造賣賭具之朝城縣典史余養直朝城縣知縣鄭家任濮州知州金允中濟東道張體仁按察使唐綏祖相應開列聽部照例議叙至臣岳濬職任封疆分應查察不敢仰邀議叙合併聲明等語查定例地方有造賣賭具之家該縣能緝獲懲治知縣加二級知府加一級督撫司道紀錄二次又定例地方拿獲本境賭具如製造不過半年卽能實力稽查拿獲者送部議叙巡檢典史照知縣例議叙等語今此案焦懷印於雍正八年八月內買得牌板至十一月內掘成地窖私造紙牌該縣典史于雍正九年正月內拿獲製造不過半年與議叙之例相符除知縣鄭家任已經別案革職無庸議外應將典史俞養直准其加二級濮州知州金允中准其加一級濟東道張體仁按察使唐綏祖紀錄二次至巡撫岳 雖稱職任封疆分應查察不敢仰邀議叙等語但例應議叙應將巡撫岳 准其紀錄二次奉

旨依議岳濬着紀錄二次

借板刷印紙牌與雕刻之人一例文軍地方官拏獲功過相抵隣人不知免議

雍正十二年七月刑部議覆滋陽縣民王殿卿等造賣賭具及寧陽縣民趙從敬開場賭博一案據東撫岳 疏稱緣王殿卿同庄居住之詹克勤家貧難度私刻牌板一塊刷印紙牌十四副王殿卿撞遇借板回家製造紙牌四十五副隨將牌板交還詹克勤王殿卿所造紙牌零星賣與不知姓名人十二副尚存三十三副賣與寧陽民張惟金共得小錢二千四百文詹克勤所刷紙牌賣與鄒縣人蕭五寧陽縣人甯景俊各七副共得小錢七百文甯景俊所買紙牌轉賣與趙從敬一副其餘六副賣與不知姓名人共得小錢四百六十文趙從敬買牌歸家即在場圍內勾引杜國欒等賭博趙從敬抽頭張惟金所買紙牌先賣與不知姓名人十一副共得小錢一千文其餘二

十二副保寧陽縣汛兵史佩誑買報縣當經寧陽縣知縣盛開池拿獲張惟金滋陽縣知縣茅煥訪拏王殿卿等并賭犯趙從敬等審擬具題王殿卿詹克勤應照例均僉妻發邊遠充軍至配所責四十板查邊遠充軍者例應收贖應將年逾七十之王殿卿照例收贖張惟金甯景俊均合依販賣紙牌爲首例僉妻流二千里至配所責四十板趙從敬合依初犯開場誘賭例徒三年至配所責四十板杜國樂趙弘斌趙從振均照賭博例各枷號兩個月責四十板不行查報之地方阮其聘合依不應重律杖八十失察賭博之地方趙弘朱應照總甲例笞五十俱革去地方已經拆責發落鄰佑李正祥等不知王殿卿等刻賣情由應免議均無庸議蕭五緝獲另結誑買牌錢仍給營兵史佩收領王殿卿等所得賣牌錢文照追入官起獲牌板紙牌應行銷燬又稱詹克勤等于雍正十一年二月內刻板造牌該縣于

十月十二日拏獲失察已過半年功過相抵毋庸議叙至失察賭博職名印官係前任寧陽縣知縣盛開池捕官係寧陽縣典史王世恩相應開列附叅等語除盛開池已經別案革職此案拏獲賭具各官失察已過半年功過相抵均毋庸議外應將失察張惟金等販賣賭具之典史王世恩照例罰俸三個月又失察趙從敬開場賭博再照例罰俸一個月奉

旨依議

先因造牌後 赦免罪後復造贖止照例定擬免其加等及拿獲
之官功過相抵不准議叙

乾隆二年八月刑部會覆陽曲縣賀珮等造販紙牌一案據晉撫石
疏稱緣賀珮先于雍正九年間在王嘉之家造賣紙牌經陽曲縣
將王嘉之等發遣賀珮脫逃至十三年三月內賀珮又在楊成林家
造牌經太原府將楊成林拿獲賀佩與匿至是年七月內潛至交城
縣復自刻牌板同發遣逃回之賀珮造牌給張元勳携回省城貨賣
經陽曲縣拿獲交城縣亦拿獲賀珮等到案將賀珮等分別擬議援
赦免罪賀珮仍發原遣處所詎賀珮又于乾隆元年十一月初五日在家
自刻牌板遇李賢三誘其販賣賢三允從適遇李龍賣給入副經陽
曲縣訪聞將李賢三等拿獲并起獲紙牌器具等物屢審不諱將賀
珮等擬以軍流等因具題應如該撫所題賀珮合依民人造賣紙牌

為首例發遣遠充軍再該撫疏稱賀珮前曾造牌遇

赦免罪之後復敢犯法本應加倍治罪但查乾隆元年九月內閣覆四川

按察使李如蘭條奏嗣後加倍治罪之犯仍照本律擬加遵奉在案

賀珮

赦後造牌應照名例加罪不得加至于死之條免其重擬等語應加該撫

所議完結李賢三依販賣紙牌為首例僉妻流三千里但賀珮李賢

三事犯在乾隆二年四月十六日

恩赦以前均應免罪該撫既稱李龍買牌希圖頑耍並非販賣應照違

制律杖一百折責四十板鄉約洪倫失于查報應照不應重律杖八十折

責三十板革去鄉約李龍等先行發落鄰佑程斌陳秉祥訊不知情

應免議等語均無庸議其不知姓名買牌人免其緝拏賀珮賣牌錢

文照數追出同搜獲李賢三錢文一并入官起獲紙牌等物飭令銷

燬鐵刀棕刷紙張等物變價入官再該撫疏稱賀珮造賣紙牌未及

半年即經拏獲所有首先訪拏之陽曲縣袁履恕併協力之太原府

劉崇元本應分別議叙但該縣不能時加訓飭以致賀珮

赦後復犯今雖拏獲功過僅足相抵無庸議叙其該管各上司職名亦無

庸彙冊送部等語均無庸議奉

旨依議

離任之日屬員拏獲賭具仍議叙

雍正十二年二月刑部議覆福撫趙 審題馮兆奴造賣紙牌一案
 建陽縣知縣吳彥遵典史徐日永均照例加二級署延建節道高選
 年按察使李 均照例紀錄二次建寧府知府姜朝俊于該縣拏獲
 賭具卽于是日奉差辦銅離任但該員平日督率有方以致拏獲與
 本日接署之呂大雲甫經任事者不同應將姜朝俊准其加一級呂
 大雲議叙之處毋庸議巡撫趙 總督郝 仍照例紀錄二次奉
 旨依議

拿獲賭具加級不准隨帶

雍正十一年九月兵部摺奏查武職官員拿獲賭具議敘例應准其加級因向來兵部並未將陞任後准其隨帶不准隨帶之處議有定條是以凡遇該員陞任半係聽其隨帶亦或不准隨帶案既互異遂多不平而指事藉端上下其手索賄徇情又不能保其必無者也前據中營千總繆成相以加級未准隨帶之故赴步軍統領衙門具呈援准隨帶各員之例咨請到部臣隨查得北營參將朱永鏞福建延平協遊擊任蓋泰興營都司陳鳴夏守備葛元揚金北營參將杜興等或原有加二級或原有加五級於雍正十年內俱准隨帶在案竊思拿獲賭具加級之員甚多若已經陞任仍將舊任之級准其隨帶則各員恃有加級遇有事故可免處分未必不轉生疎懈况武職員弁首重軍功惟軍功加級應准其隨帶若拿獲賭具加級亦准隨帶

則軍功加級又何以資鼓勵相應請

有將此等加級一槩不准隨帶改爲紀錄者爲定例以便畫一遵照其從前准其隨帶之叅將朱永銀等案應一併改正註銷俱改爲紀錄可也奉

有這所奏是依議行

偶然聚賭及抽取場上數文之人柳責完結

雍正十三年五月刑部議覆福撫趙 跡稱雍正十二年三月初九日林庇因生子彌月請陳信韓智蕪悅瑞在家飲酒時有蕪承佑至伊家買貨林庇即留共飲衆欲行令因無骰子陳信即回家內將從前當約正時巡獲大小不同骰子三粒並骰盆携至林庇家擲骰飲酒續因酒醉復賭食東道陳信蕪悅瑞蕪承佑林庇各出錢一百文韓智出錢五十文共相擲賭隣人徐連聞知稟縣拏獲歷審各認不諱將陳信擬軍林庇擬徒韓智蕪悅瑞蕪承佑擬以枷號再查例載藏匿賭具器物不行銷燬照造賣爲首治罪者似指藏匿成造牌骰器具而言今陳信所携骰子骰盆係伊檢獲之物藏留在家雖賭博二字例內未經分晰然檢拾之物較與成造之具有間相應聲明聽候部議等因查雍正十三年閏四月臣部議覆湖南巡撫鍾保條奏

凡賭博案內出具牌骰之人照販賣為從例杖一百徒三年等因奉旨通行遵照在案今此案出骰子之陳信應照現定之例杖一百徒三年至配所折責四十板至若開場抽頭律有所例開場窩賭及抽頭之人枷號三個月杖一百後例旂人擬絞民人擬流蓋以開設窩賭經旬累月聚集無賴蕩產藪盜實為厲階是以後例定以絞流以儆兇頑至于偶然會聚之家及抽取場上數文之人自應仍照前例問擬而歷來未經聲明通行是以各該問刑衙門遇有如林庇之案輕重不能畫一林庇應照前例枷號三個月杖一百折責四十板俟

命下之日通行直省再該撫既稱同賂之韓智等照例發落應無庸議賈未協

子殿益飭令銷燬各名下錢文照進入官再該撫又稱陳信等係龍溪縣差役稟報拏獲所有失察印捕職名應予免開應無庸查議奉旨依議

現遇 恩赦回歸旂籍又犯賭博亦在 赦前仍應寬免

乾隆二年十一月刑部議覆薩爾求與遣犯趙世俊等頑牌賭賽一案先據寧古塔將軍吉 等將薩爾求并五雲齊貴法那比官員賂錢律枷號三個月鞭一百朱吉歪盧永安趙世俊王書丹王書臣王珠兒通州沙喀二哥七住兒拉思太俱照賭博律各枷號兩個月鞭一百王三審不知情無庸議薩爾求等事犯在乾隆二年四月十六日

恩詔以前伊等枷責之罪俱應寬免但此內遣犯趙世俊係在中途恭遇雍正十三年九月初三日

恩詔赦回原籍之人永安係在配所三年悔過恩赦回籍之人正候部文間伊等又同薩爾求賂東道頑骨牌所犯又遇恩赦將趙世俊永安可否仍行接免回籍應聲明俟部文到日遵行等因

到部經臣部查定例內旂人賭博事發開場抽頭及容留房主俱照光棍爲從例擬絞監候賭博之人枷號兩個月鞭一百如係官員革職枷號三個月鞭一百不准收贖永不叙用發令披甲當下賤差役等語但例內又云凡以馬吊賭飲食者坐不應重律係官交部議處拿獲牌骰現發有據者方坐不許妄扳拖累等語是以馬吊混江賭飲食者必拿獲牌骰方坐以不應重律今薩爾求等果係以骨牌賭東道自與應禁之紙牌骰子不同即坐以賭博飲食之罪只應按不應重律定擬何得比旂人賭博例治罪應令該將軍按例妥擬到日再議至五雲齊等治罪之處並趙世俊在途遇

赦永安在三年悔過案內准其回籍伊等應否宣免或仍行治罪之處俱俟該將軍妥擬到日一并核議等因咨駁去後今據該將軍咨稱薩爾求革職之處無庸議外應將薩爾求並已革無品級筆帖式五雲齊已革無品級教官貴法那及朱吉至庫趙世俊王書丹王書臣王珠兒通州沙喀二哥七侄兒永安拉思太均比照以馬吊混江賭飲食例各杖八十遇熱審減一等杖七十但查薩爾求等所犯俱事在乾隆二年四月十六日

恩詔以前均應免罪此內遣犯趙世俊係在中途恭遇

恩詔援免回籍之犯永安係配所三年悔過

恩赦回旂之犯正候部文間伊等又同薩爾求戲耍骨牌賭賽飲食所犯杖罪又逢

恩詔似應援免仍令其回歸旂籍主三審不知情無庸議等因前來該將軍所擬薩爾求五雲齊貴法那朱吉至庫趙世俊王書丹王書臣王珠兒通州沙喀二哥七侄兒永安拉思太應照以馬吊混江賭飲食者杖八十例應杖八十遇熱審減一等杖七十分別折責但薩爾求

等所犯事在

恩詔以前均應免罪此內遣犯趙世俊在途遇

赦永安在配已過三年安靜悔過俱經臣部題覆准其回歸族籍在案干

未奉部文之先又同薩爾求等頑賭飲食所犯罪止擬杖又經過

赦亦俱應免罪仍令其歸回族籍該將軍疏稱王三審不知情等語應無

庸議奉

旨依議

買牌未賭止予滿杖

雍正十年五月刑部會議覆都新極造賣紙牌一案據河督田 將

都新極擬軍馮顥誠趙文佩劉守金韓世發擬杖等因具題都新極

合依造賣紙牌爲首發邊衛充軍例僉妻發邊衛充軍至配所杖一

百折責四十板該督既稱馮顥誠等所買紙牌未經賭博卽被拿獲

馮顥誠等俱合依違

制律杖一百各折責四十板遵例先行發落地隣李玉等前雖失于查報

旋卽拿獲賭具呈報均應免議等語應無庸議奉

旨依議田文鏡着紀錄二次

買骰本欲賭博並非販買照賭博例治罪

乾隆二年四月刑部會議覆周八和尙郎周文造賣賭具一案據奉
天府府尹宋 將周文依民人造賣骰子爲首例發邊衛克軍張克
勝訊係買骰一副意欲賭博將骰子擲河非藏匿販賣者可比照賭
博例枷號兩個月杖一百王守本不行查察照不應重律杖八十其
張克勝等照例先行發落并聲明周文供無妻室現飭照例移查原
籍以具鄰族印甘各結到日另行咨部等因具題應加該府尹所題
周文合依民人造賣骰子爲首者發邊衛永遠克軍遵照定例發邊
遠克軍至配所杖一百折責四十板至該犯有無妻室之處應令該
府尹確查報部該府尹既稱買骰一副意欲賭博之張克勝非藏匿
販賣者可比應照賭博例枷號兩個月杖一百折責四十板不行查
察之王守本應照不應重律杖八十折責三十板均照例先行發落

起獲已未成骰子等物卽行銷燬等語均毋庸議其張克勝買骰錢
文應令該府尹照追入官應將首先訪緝造賣賭具之復州知州白
琮照例准其加二級奉
丁依議

買有無多賭且止圖戲頑並不轉賣者滿杖

乾隆三年二月刑部會議覆白二等造賣紙牌一案據奉天府府尹
吳 將白二等分別擬以杖流首犯張大獲日另結等因具題應如
該府尹所題同夥造牌之白二合依民人造賣紙牌爲從杖一百流
二千里例應遞回原籍僉妻流二千里至配所杖一百折責四十板
買紙牌之周全德照販賣紙牌爲首杖一百流二千里例亦應遞回
原籍僉妻流二千里至配所杖一百折責四十板僱與張大傭工之
谷三合依知情不首例杖一百折責四十板尚八雖不知白二等造
牌情事但不將伊父遺下之資奩寶帳銷燬應照違

制律杖一百折責四十板該府尹既稱索欠之單養懷等審不知情應予
省釋牌板紙牌已經銷燬等語均毋庸議其白二賣牌所得周全德
小錢四百文照追入官脫逃爲首造賣之張大應令該府尹嚴緝獲


日另結再該府尹疏稱白二等於乾隆二年十二月十三日携板到
潘始行造賣紙牌隨于本月二十二日拿獲係在半年之內所有協
緝之承德縣與史周文煥知縣胡世仁各職名例得開送聽部議叙
等語查此案拿獲賭具之承德縣知縣胡世仁典史周文煥均照例
准其紀錄二次再該府尹疏稱臣更有請者定例造賣紙牌骰子者
發邊遠充軍爲從及販賣爲首者杖一百流二千里爲從販賣者杖
一百徒三年近見直省督撫具題案內買牌並未轉賣者照違

制律杖一百完結其買牌欲行轉賣尚無售主旋被拿獲並無分別治罪
之處此等人犯似與積慣販賣圖利陷人者有開嗣後請照爲從販
賣例杖一百徒三年庶罪有差等等語查賭具一項爲賭博根源惟
有販賣之人故造賣者得以獲利輾轉售散流害四方故定例爲首
者杖流爲從者杖徒並無已未轉賣之分亦無初犯再犯之別定例

綦嚴原使人知所畏懼不敢于犯今該府尹疏稱買牌欲行轉賣尚
無售主旋被訪拏者此等人犯似與積慣販賣圖利陷人有開請照
爲從販賣例杖徒等語不獨與立法之意未符且買牌欲行轉賣其
販賣情節已經顯明若開以寬減之條恐積慣販賣之徒皆得藉稱
尚無售主希圖避重就輕變實叢生賭風難息嗣後除買有牌骰無
多止圖戲頑並不轉賣者仍照違

制律杖一百外其販賣賭具希圖轉賣者仍應遵定例分別首從科罪應
將該府尹所請買牌欲行轉賣尚無售主旋被拿獲者照爲從販賣
例擬徒之處無庸議奉

旨依議



生員犯賭仍照例枷責免其加等

乾隆二年七月刑部會覆宣化縣民陳守治毆傷高拱極身死一案
據直督李 疏稱緣乾隆元年三月十八日高拱極負米赴范恭家
償還宿欠適遇陳守治偕往旋有張雄龐際堯亦先後踵至閑談高
拱極卽起意賭食東道衆皆允從高拱極隨向范恭索取舊存紙牌
同賭先將各贏錢文買麵共食繼又出資賭鬪輸贏范恭在場抽頭
迨後高拱極成牌各應給錢三十文陳守治止付錢五文高拱極不
允出言辱罵陳守治還罵高拱極卽揪陳守治髮辮按住拳毆陳守
治情急隨用手攔住高拱極臂囊致傷臂子高拱極負痛釋手跌倒
在炕陳守治起立又用脚踹高拱極頭上一下致傷右額角連太陽
眼胞當經龐際堯勸散高拱極復出街嚷罵旋卽仆地嘔吐范恭拉
勸入室至十九日早范恭延醫調治又恐人命干連遂捏稱高拱極

因跌受傷驟得暴病往喚高拱極堂弟高廷獻高廷獻因伊父患病
來至范恭家見高拱極卧炕未及詳視而回詎高拱極受傷深重即
於是夜殞命又經范恭報知高廷獻信為病故且因高拱極之兄高
拱微出口種地而范恭家貧屋窄難以久停高廷獻遂買棺懇范恭
代為殮埋寢息其事經該縣張秉恪訪聞拘訊檢驗詳究屢審不諱
將陳守治等擬以絞流徒杖等因具題應如該督所題陳守治除賭
博輕罪不議外合依鬪毆殺人律擬絞監候秋後處決范恭除匿命
不報輕罪不議外應照出具牌散之人不將造責之人供出照販賣
為從杖徒例杖一百徒三年係武生照常人加一等例杖一百流二
千里年逾七十照律收贖張雄龐際堯均合依賭博不分兵民例柳
號兩個月杖一百龐際堯係武生應照常人加一等杖六十徒一年
地方李永春失察賭博人命應照不應重律杖八十革役時逢熟審

枷責人犯照例減等發落范恭張雄龐際堯李永春等事在乾隆二
年四月十六日

恩詔以前均應免罪免其收贖該督既稱高廷獻於高拱極身死之時輕
信范恭跌傷之言又值伊父病重不行查察告究尚非受賄私和應
與訊不知情之隣佑張秀等均請免議等語均毋庸議各犯賭博及
抽頭錢文照律照追入官再該督疏稱范恭等俱係給項武生歸縣
管轄此案賭博又係宣化縣自行訪獲應免叅處等語相應免議再
該督疏稱文武生員犯賭例應革退比常人加一等治罪第查乾隆
元年六月內定例凡被斥劣衿有挾仇肆橫并生監有串通竊盜窩
頓牛馬代寫詞狀誘人賣妻作媒圖利之罪仍照原律定擬將加等
之條均行停止在案雖不議及犯賭生員然較之通盜窩盜者其情
稍輕應請將犯賭劣生褫革衣頂免其加等仍依賭博原例枷號治

罪相應聲明聽候部議等語查劣衿生監有犯挾仇肆橫及通盜窩盜等罪定例既免加等犯賭生員情罪尤輕似應仍依賭博原例治罪免其加等倘蒙

俞允應通行直隸各省一體遵行奉

旨依議

外委官犯賭斥革柳責發別省入伍

乾隆三年八月刑部咨覆據廣督鄂咨稱斥革外委把總杜勳與兵民在汎鬪牌賭博及斥革外委千總唐經棘私離汎地一案緣杜勳與唐經棘及民人許宗奇潘朝貴素相熟識乾隆二年六月內杜勳染患痢病唐經棘等常來探望八月初六日杜勳病愈醉神邀唐經棘許宗奇潘朝貴三人飲酒午候齊至山口汎房其時兵丁陳贊等入城操練惟管隊林仕秀即林時秀大旗鄭廷秀在汎杜勳邀同唐經棘等共飲唐經棘飲醉天晚不能回汎杜勳扶入伊房睡卧旋出與許宗奇等倡言揸攤戲耍林仕秀以從前拾有紙牌收藏遂稱揸攤不如鬪牌并稱以錢板比錢更覺簡便各皆允從林仕秀歸取紙牌錢板燈油五人各出錢九百文一千餘文不等共賭其時門掩未拴有民人周迎科入門向汎兵鄧光索討由價因鄧光未歸即旁

坐觀看又有合浦縣書辦林登鵬與新墟舖戶傅夢輔因入汛求火
行路杜勳留坐待茶亦在旁同看林仕秀抽得油錢二百文值駐防
永安城把總葉漢鼎帶兵巡查拿獲查杜勳係一時邀飲酒後鬪牌
平日並無開場窩賭例擬枷號三個月杖一百折責四十板不准折
贖係外委把總與經制有間應免其押發山東入伍俟枷號滿日遞
回原籍保領約束林仕秀即林時秀除同賭及抽取燈油錢各輕罪
不議外其收蔕紙牌並未將造牌之人供出合依販賣賭具爲從杖
一百徒三年至配所折責四十板俟徒限滿日遞回原籍交地方官
嚴行約束不許出境唐經棘雖據審無同賭情事但身爲外委竟敢
視操練爲具文私離汛守閑遊飲酒亦屬不合唐經棘應照守禦官
不守紀律不操練軍士初犯杖八十律杖八十折責三十板又律註
應杖八十依名例降二級留唐經棘係外委千總無級可降已奉

咨革毋庸議鄭廷秀許宗奇潘朝貴均合依賭博例各枷號兩個月
杖一百折責四十板林登鵬傅夢輔周迎科雖未同賭但不應在旁
坐視均合依不應重律杖八十各折責三十板林登鵬仍革役枷杖
各犯時逢熟審照例減等折責發落所有杜勳許宗奇各名下本銀
及贏錢與林仕秀鄭廷秀潘朝貴各名下輸剩并林仕秀抽頭各錢
文俱照追入官紙牌七十九張錢比一個燒燬賭坊律應入官但係
官建汎房應免估賣再查紙牌據林仕秀堅供委係拾獲並非製買
失察職名應免開報所有失察賭博職名文職係合浦縣分駐永安
縣丞方廷謨合浦縣知縣鹿謙吉相應附叅至革弁杜勳等賭博係
由該管營弁查拿揭報咨斥武員失察職名應照例免開等因前來
應如該督所議林仕秀合依造賣賭具爲從例杖一百徒三年至配
所折責四十板俟配限滿日遞回原籍交與該地方官嚴行管束杜

勲等并唐經棘俱照議分別枷號折責完結攤場錢文并抽頭錢入官至文職應否免開與議處文職事隸吏部武職應否免開與唐經棘擬杖八十應照例降二級留任係外委千總無級可降已經咨革作何辦理之處事隸兵部應將原咨送吏部會同兵部議可也合咨前去查照施行


旂人犯枷號兩個月者與流罪同

康熙十九年八月刑部會議河撫 題查呂璟與鄧小菴等同在謝大謝二店內賭博因謝大索討飯銀捏稱被盜先將謝大謝二送官審究又詐鄧小菴銀一兩二錢韓近廷一十七兩入已復誣謝大等為竊盜鄧小菴等合依賭博例各枷號兩個月責四十板查定例旗下人犯流罪三千里者枷號兩個月等語呂璟所犯賭博枷號兩個月係應流三千里之罪該撫所引之二罪俱發以重論律將呂璟止擬誣告律杖六十徒一年不符呂璟亦照賭博例應枷號兩個月責四十板韓近廷病故母容議謝大謝二俱依在家存留賭博例應各枷號三個月責四十板地方張有才不行查拿合比依總甲例應責二十板但鄧小菴等事在

赦前均免罪呂璟係武舉不准援

赦仍應枷號兩個月責四十板贓銀入官奉

旨依議



營弁擅攤斥革押發別省入伍

雍正十一年四月刑部議覆豫廣督鄂 疏稱海安營把總陳天保
等違禁聚賭一案緣雍正十年二月初十日百總葉芳督修較場因
酬還神愿邀同把總陳天保胡季名營目林英并伊族弟葉二到家
飲酒葉二即起意擅攤賭辦東退眾皆應允葉二即取錢一千文交
陳天保胡季名林英擅攤葉芳 在旁看賭適巡夜百總陳盛經過進
內喫茶而出各見陳盛已去恐被報官遂將錢交還葉二而散次早
陳盛稟報守備揭報咨部將把總陳天保胡季名斥革審據陳天保
等供認不諱胡季名陳天保應照賭博不分兵民枷號兩個月杖一
百例枷號兩個月杖一百折責四十板不准折贖永不叙用仍照例
查明家口押發山東入伍食糧嚴行管束林英葉芳已革名糧林英
亦應照賭博例枷號兩個月杖一百折責四十板押發回籍收管約

束葉芳應照初犯開場存留賭博者杖八十徒二年例徒二年至配所杖八十折責三十板俟徒限滿日回籍交與地方官嚴行管束不許出境脫逃之葉二獲日另結在場銅錢一千文俟獲葉二之日照追一半入官一半給賞巡夜百總陳盛再陳天保等聚賭已經守備康棟查報本案審無賭具且係一時起意文武失察職名應請邀免等因前來應如該督所咨完結

查攤賭輸浮開銀數稟首

雍正十一年六月刑部議覆據廣撫楊咨稱化州革生李貴章與黃昭暘等查攤賭博一案緣李貴章于雍正九年七月初四日將田賣銀八十兩初七日攜帶回州途遇族兄革監李晃同往進賀族人李滋霖三子遇歲適有李滋霖之戚革監黃昭暘先已在彼李滋霖設酒共飲飲後李晃以酒醉難睡言及賭錢各皆應允出錢五十文作為攤子並無賭具李貴章共輸去銀七兩二錢黃昭暘贏銀四兩二錢李晃贏銀二兩八錢李貴章輸銀不甘次早浮開銀數往投練鄰赴州欲控李晃等恐其告累各愿吐還銀兩李貴章隨囑練鄰緩報迨李晃等延挨不吐輸銀二月十六日李貴章赴學首報練長李佐南亦即具稟該州將生監李晃等咨革歷審不諱李滋霖合依初犯開場存留賭博例杖八十徒二年至配所折責三十板李晃黃昭

賜均合依賭博例各枷號兩個月責四十板練長李佐南鄰佑李奇
勛不即報官合依總甲例各笞五十折責二十板均照例先行分別
發落李佐南仍革練長李貴章雖浮開銀數延挨時日希圖還銀但
首報得實且臨審供明應照例免罪所贏銀兩及攤錢照追入官所
有本案失察賭博職名係化州吏目王曰璠化州知州孔傳祖相應
附叅等因前來應如該撫所咨發落完結其黃昭賜等各名下所贏
銀兩并攤錢照追入官可也

醉後搯攤輸欠多銀因人欲將別項抵算以致訐訟及地方官失
察例無處分

乾隆四年七月刑部咨覆據署廣撫王 咨稱興寧縣已革監生林
元英等聚賭一案緣有監生林朝烈籍隸揭陽縣寄居興寧縣認林
元英為叔素相往來乾隆二年正月初三日林朝烈至林元英家拜
年林元英留飲適黃亞檔亦至同飲俱醉林朝烈起意賭博林元英
答無牌骰賭具林朝烈聲言搯攤令林元英取錢一千文作馬輪贏
記賬限一月清結各皆應允林元英恐人知覺引至屋外菜地土屋
內林朝烈做攤林元英黃亞檔壓攤賭至將晚時候林朝烈之母令
林朝烈之子林亞暢喚林朝烈歸吃晚飯當即清算賭賬黃亞檔並
無輸贏林元英輸銀二十三兩四錢與林朝烈旋即散去初十日林
朝烈即往蘇州至七月初旬販布而回欲往福建汀州發買林元英

因母年老托林朝烈帶買汀板交價銀三十兩運費錢一千文詎林朝烈赴閩賣布抵本將林元英所交銀錢俱皆費用至十一月十八日歸家無板帶回林元英查問向討銀錢林朝烈無償遂欲扣抵賭賬林元英不允兩相爭角林元英控縣屢審不諱林元英等委因酒醉偶然聚會與開場窩賭經旬累月聚集無賴者不同且無放頭抽頭情事林元英合照開場窩賭例枷號三個月滿日杖一百折責四十板林朝烈黃亞楷照賭博例各枷號兩個月滿日杖一百各折責四十板保長袁慶先失于查察應照總甲例笞五十折責二十板但事犯均在乾隆二年四月十六日

恩赦以前應請援免查監生賭博行止有虧罪雖援免已革監生不准開復林朝烈雖原籍揭陽縣但已落業興寧毋庸解回原籍林亞暢既知賭博並不首報但伊父在場律得容隱鄰佑陳景濱熊萬振訊無

知情故縱均請免議林元英輸銀二十三兩四錢及攤馬錢一千文俱于林元英名下追出與賭坊變價均行入官林元英托買板銀三十兩運費錢一千文應于林朝烈名下追出給林元英收領紙寫攤式以及攤碗據供燒燬遺失無憑起追所有失察賭博職名係前署興寧縣事高要縣縣丞郭峻興寧縣典史陳紹鴻相應開報附叅等因咨達前來均應如該署撫所議完結至議處文職事隸吏部應將原咨送吏部議俟議結之日咨回本部存案仍知照該署撫并戶部禮部園子監可也合咨前去查照施行乾隆四年八月吏部咨准刑部咨稱署廣撫王 以興寧縣已革監生林元英等聚賭一案緣已革監生林朝烈起意賭博林元英等答無牌骰賭具林朝烈聲言擡攤歷賭黃亞楷林元英兩相爭角控縣屢審不諱所有失察賭博之前署興寧縣事高要縣縣丞郭峻興寧縣典史陳紹鴻相應附叅原

咨送吏部議俟議結之日咨回本部存案等因前來查失察賭博例內無揜斃議處之條其署興寧縣事高要縣縣丞郭峻興寧縣典史陳紹鴻均毋庸議合咨前去查照施行

因欲跌錢乘機行竊

雍正十年七月刑部議覆據廣撫楊咨稱順德縣民霍亞庇等行竊黎輯伍墳寮一案緣黎輯伍在連龍山搭蓋墳寮僱倩工人葉伯成葉蛋奴葉作梅同僕岑滄海于雍正九年三月初二日與工修築祖墳四月初二日有霍亞庇梁公孫採柴而回路過黎輯伍墳寮進內取火喫烟遂與葉伯成在寮旁跌錢戲耍葉伯成輸與梁公孫錢四文約另日取錢再跌至初八日晚梁公孫又糾約霍亞庇徐亞三潘亞子盧亞秋梁公餘等六人同至寮旁跌錢潘亞子盧亞秋出恭落後梁公孫等四人先到寮內工人睡熟梁公孫遂起意行竊各皆先從霍亞庇徐亞三在外瞭望梁公孫梁公餘入寮偷取銀錢衣物工人驚覺喊追各卽奔逸所竊贓物悉被梁公孫携去陸續緝獲霍亞庇等到案歷審供認不諱霍亞庇除竊盜輕罪不議外應與同賭

之工人葉伯成均依賭博例枷號兩個月杖一百折責四十板徐亞
三依竊盜贓一兩以上杖七十為從減一等律杖六十折責二十板
霍亞庇徐亞三均照例刺字潘亞子盧亞秋雖不知行竊但欲跟往
跌錢應照不應輕律笞四十折責十五板地保吳耕隱不行稽查應
照總甲例笞五十折責二十板脫逃之梁公孫梁公餘嚴緝獲日另
結所竊贓物及共賭錢文應俟緝獲梁公孫到案照追分別入官給
主霍亞庇等均照例先行枷責刺字發落所有失察賭博職名係順
德縣紫坭司巡檢章昭順德縣典史李連昇順德縣知縣今委署瓊
州府同知柴瑋相應附奏等因前來應如該撫所咨將霍亞庇等照
例枷號折責發落其脫逃之梁公孫梁公餘嚴緝務獲審擬報部可
也

猜錢賭勝負

乾隆元年五月刑部據廣東巡撫楊 咨稱海康縣正武廟僧人白
見同革監陳德隆等猜錢共賭一案緣白見廟內常有士民借寓雍
正十三年四月十九日監生陳德隆吳秉恭與生員符煒宗民人李
茂陳名立吳扶何成各皆赴城日暮同宿廟中先因吳扶於赴城之
時同何成在樹下歇足將錢賭猜輸給何成錢四十文迨是夜更深
吳扶何成二人在廟乘涼復將錢猜賭而僧人自見與陳德隆陳秉
恭各持錢先後下場同賭後有兵役鄭榮等巡夜隨進查拿各犯驚
慌滅燈奔逃時兵役未識賭黨何人將陳德隆等與共宿廟內未經
同場之符煒宗等一併連錢拿獲自見畏罪即許錢三千文因向陳
德隆取錢二千文交付兵役欲求免報兵役不敢徇隱將各犯并贓
錢稟報屢審各犯堅供係偶爾猜拳共賭輸贏並無別項賭具又無

抽頭放頭之人但既將錢同賭卽與賭博無異均照賭博例枷責接
赦等因前來應如該撫所議僧人自見合依開場窩賭例枷號三個
月滿日責四十板勒令還俗陳德隆吳秉恭吳扶何成均應照賭博
例枷號二個月滿日各折責四十板查自見等俱事犯

赦前均應援免自見勒令還俗該撫既稱甲長周興鄰佑劉文貴陳世達
審無徇縱與未賭生員符煒宗民人陳名立李茂均行省釋兵役鄭
榮等入廟拿賭各犯戒燈未識賭黨何人將符煒宗等一併提解並
非故意誣拿且求免贓銀亦未入已均應免議各犯在佛殿猜賭並
無賭具賭坊應免變價入官等語均無庸議再該撫所稱拿獲賭錢
七百四十文照例賞給拿獲兵役以示鼓勵其行賄贓錢文與自見
已許未交錢文及何成在樹下猜錢所贏吳扶錢四十文一併照追
入官等語應如該撫所議照例分別賞給入官仍知照該撫可也

翰林監開蟋蟀革職免流餘犯止擬重杖

雍正八年四月刑部會議覆奏革翰林院庶吉士張應造違禁開筓
賭開蟋蟀一案據署江督范 疏稱緣有宗茂昭于雍正六年九月
初十日租監生張覃卽張定中園屋欲開米店當付租銀一兩二錢
尚未開張適遇朱定言開店不如開筓賺錢較多并言伊與張應造
相熟請來監局可以彈壓宗茂昭應允隨與朱定行張定中家商議
適張定中往杭州未回宗茂昭等遂與張定中家人張興說知并許
以每日房租四錢張興利其多金亦卽應允宗茂昭隨于十七開筓
朱定邀請張應造應造卽于十七日帶領家人錢阿叔王六田松赴
筓監局朱定張廷先當緯宗茂昭在筓抽頭姚福陸孟甫沈四包三
榮胖在筓相幫自十七日起至十九日止共抽頭銀四兩一錢二分
除筓內食用之外餘銀三兩二錢八分張應造得銀一兩又輸銀三

錢九分朱定得銀四錢二分張定中得房租銀八錢示茂昭得扣存
房租銀四錢其餘張廷先錢升等各得數分多寡不等其二十二
一兩日因天雨未開二十二初霽泥濘亦無多人賭聞抽頭得銀僅
數食用二十三日甫經開場有潘大與吳貴正在猜錢圖書王爾發
等首報元和縣查拿通詳將張應造管押候訊而張應造于雍正七
年正月三十一日畏罪逃匿行至湖廣江夏縣被拿于四月二十九
日遞解回蘇歷審不諱其在場賭聞蟋蟀之人俱係四處不知姓名
應免深究除朱定于取供後病故不議外宗茂昭開設賭場抽頭取
利張應造倚恃翰林在場監局且抽頭之銀分受獨多宗茂昭張應
造均合依初犯開場賭博抽頭例杖一百徒三年張應造有罪潛逃
應照例加倍治罪杖一百流三千里奴妻發遣張興不候主回擅允
開筭張廷先在場當緯張定中從前些不知情然回家之後張興告

知增租開筭情由不卽出首明係事後知情得財隱匿均合依爲從
例杖九十徒二年半潘大吳貴猜錢賭博應各枷號二個月責四十
板姚福沈西陸孟甫包三榮胖在場相幫張應造家人錢升王六田
松跟隨伊主入筭均合依不應重律各杖八十各犯所得頭銀追出
一半入官一半賞給原首之王爾發等至差保疎脫張應造潛逃之
處業據審詳並無賄縱情事且續經拿獲應予免議等因奉

旨雍正元年冬月會因條奏禁止開鷄聞鷓鴣蟋蟀等事比時定議止行
于京城地方並未通行各省蓋因京城之地五方襍處而旅人居多好
爲嬉戲以荒正業而生事端不得不於此等細務留心整飭至于外省
民風尚爲質朴若并將此等遊戲小事降旨禁約恐胥吏因而作奸則
借端生事者不少矣是以但將賭博嚴禁以端風俗若果賭博之風不
行其餘戲具自然漸息從前所降諭旨甚明爲督撫者但當善爲化導

于先量加懲戒于後斯于情罪允協今江南督撫以違禁開筍具本叅劾張應造而范時繹則擬以杖流之罪夫以未行奉旨禁約之事而坐以違禁之條未免過刻由此觀之則胥吏之任意苛求借端需索皆所不免范時繹身為總督于奉旨查拿之大盜而不能獲于私開鼓鑄之奸徒而不能禁而獨于開筍之人加以重罰乎張應造不應于被叅之後越境潛逃已經革職足蔽其辜其杖流之罪俱着寬免餘着議奏該部知道欽此欽遵除張應造杖流之罪遵

旨行文江督卽行寬免并在場當絳之朱定於取供後在元和縣監病故不議外查雍正元年禁止開鷄開鶴鷄蟋蟀等事各省原未通行未便坐以違禁之罪但宗茂昭等不務正業群相遊戲亦屬不應應將宗茂昭張興張廷先姚福沈四陸孟市包三榮胖潘大吳貴俱照不應重律杖八十各折責三十板監生張定中圖財不首已于本案斥

革應無庸議錢升王六田松但係跟隨伊主而行均應免議該督既稱在場賭聞蟋蟀之人俱係四處不知姓名應免深究至差保疎脫張應造潛逃之處審無賄縱情弊且續經拿獲應予免議各犯所得頭銀追出一半入官一半賞給原首之王爾發等等語均無庸議奉

旨依議

開場招開蟋蟀照例杖徒及熱審期內到部亦依例減等

雍正七年十二月刑部議覆江督范 咨報吳江縣武舉吳俊雲卽
吳飛熊開場招開蟋蟀抽頭一案本部以開場誘賭並存留賭博初
犯再犯罪名輕重各別今吳俊雲或係初犯或係再犯咨內但未聲
明未便遽議行令該督查明妥議去後今據該督咨稱行據吳江縣
詳稱提訊各犯并隣甲人等僉供吳俊雲等並無犯案實係初犯等
情吳俊雲應照初犯開場誘賭放頭抽頭例杖一百徒三年施文玉
徐美臣等合依初犯開場存留賭博例杖八十徒二年施文玉驗係
廢疾照例收贖各犯所得銀兩同吳俊雲賭本及抽頭銀追給原首
之人沈懷恩收領趙再錫姚三仍照原擬枷責至失察賭博賭具業
經咨叅在案合併聲明等因應如該署督所題吳俊雲合依初犯開
場誘賭放頭抽頭者杖一百徒三年例徒三年至配所責四十六板施

文王徐美臣等俱依初犯開場存留賭博者杖八十徒二年例徒二年至配所責三十板施文玉既係廢疾照律收贖各犯所得銀兩同吳俊雲賭本及抽頭銀追給首人沈懷恩收領趙再錫姚三俱照賭博例枷號两个月責四十板此係熱審期內到部應各減一等枷號一个月二十五日責三十五板骰子筭籌銷燬臺廠等物人官陳雲山獲日另結其製造賭具之人仍令該督查明定擬報部至失察賭博賭具職名原係兵部查取今該督既稱業經咨參應毋庸議奉

旨

借油賭博亦問枷責

雍正十一年十月刑部會議復河源縣民邱亞滿搭傷羅成玉身死一案據廣撫楊疏稱緣雍正十年八月初十日晚羅成玉邀邱亞滿同至曾海書房閑坐適有周友德接踵而至曾海偕弟曾全俱出陪坐時至昏黑羅成玉倡言賭錢為戲各皆應允因曾海家中無油衆令曾海向其兄曾寧取油許將頭錢給與曾海前往取油回家取出錢四百文曾全出錢一百三十文邱亞滿回取錢一百二十文羅成玉亦回寓取錢三百六十文周友德帶有錢二百文即在書房同賭五人輪流揸壓比羅成玉之錢已輸復向邱亞滿借錢六十文未幾亦已輸去邱亞滿之錢隨亦輸完各散歸家次日午後邱亞滿遇羅成玉索討昨夜所借之錢羅成玉令邱亞滿在曾海園外空房屋內坐等逾時羅成玉回稱無錢邱亞滿久坐心煩卽令羅成玉脫衣

作當羅成王不肯出言罵斥邱亞滿動手向脫羅成王之衣羅成玉
推拒兩相扭結邱亞滿將羅成玉扭倒在地以右手搭其咽喉左手
解其鈕扣羅成玉將手掙打邱亞滿用力緊搭以致羅成玉氣閉隨
卽殞命邱亞滿與圖移屍滅跡延至傍晚遇見曾海工人諸又與自
田而歸告知致死羅成玉情由免其幫移屍首諸又與聽從至更深
時候邱亞滿將羅成玉身屍擡至黃沙坑空田寮內而散迨是月十
三日有周亞二往田巡禾看見羅成玉身屍回報屍兄羅紹玉趨視
查知羅成玉于初十夜在曾海書房賭博指名控縣歷審各認不諱
邱亞滿除賭博移屍各輕罪不議外將邱亞滿等擬以絞徒柳責杖
笞等因具題應如該撫所題邱亞滿合依開毆殺人律擬絞監候秋
後處決曾海合依初犯開場存留賭博例杖八十徒二年至配所折
責三十板俟徒限滿日押交該地方官嚴加約束不許出境該撫既

稱曾全周友德均合依賭博例各柳號兩個月杖一百折責四十板

在場油頭不過聽第取油竟照例柳責未協

曾寧出油抽頭照抽頭例柳號三個月杖一百折責四十板諸又與

合依移屍為從減一等律杖七十遇熟審柳杖人犯均應照例減一
等練保率心寵不行查拿賭博應照德甲例笞五十遇熟審寬免仍
革去練保遵例分別減等柳責發落革役等語均無庸議曾海與各
犯所賭之錢并抽取頭錢均照進入官再該撫疏稱本案失察賭博
各職名係河源縣藍口巡檢司巡檢布松署河源縣事試用知縣吳
濬相應附叅聽候部議等語應將失察之巡檢茹松知縣吳濬均照
例罰俸一個月奉

旨邱亞滿依擬應絞着監候秋後處決餘依議

觀看賭博清仗

康熙三十七年十一月刑部會看得山東民藍大供柯鹵胡六李在周成邱龐大到我家來擲骰子查定例內存留賭博房主枷號三個月責四十板又定例內大臣官員賭博俱行革職不准折贖枷號三個月鞭一百着令披甲折磨當差係世職不准與伊子承襲給與應承襲之人承襲等語柯鹵係世襲應照例發落胡六李在周成邱龐大俱照賭博例各枷號兩個月鞭一百龐大係民責四十板鄭大因觀看賭博責四十板現獲之錢入官骰子等物銷燬奉

行依議

賭飲食

康熙四十年七月刑部會看得崔三等毆死及澤浦一案據直撫李光地審擬絞杖徒罪且題查及澤浦同趙國璧于康熙三十九年六月二十一日至崔勤家飲酒而散澤浦路山崔二瓜園向崔二借錢五十文與何連常崔小冬崔三頑牌賭瓜因澤浦將錢輸盡復向崔三借貸以致彼此相謔爭鬧崔三持棍毆澤浦仆地澤浦欲起還毆崔加印用拳助毆因澤浦管罵不休崔三復用棍擊澤浦額顱傷重當時身死旋即拿獲歷審情真除崔三何連常等賭飲食輕罪不議外崔三合依聞毆殺人律擬絞監候秋後處決崔加印合依餘人律杖一百遇熱審減等杖九十折責三十五板李大教囚及異台依凡司獄官典教令罪囚反異成案以故出入人罪論外人犯者減一等若囚未決放減一等律杖一百徒三年受囑改供之劉文升何連常

成案彙編 卷二十一
崔小冬合依証佐不言實情致罪有出入者減罪人罪二等律杖一百徒三年均遇熱審減等各徒二年半至配所各折責三十五板供吐不實之趙國璧合依不應重律杖八十遇熱審減等折責二十五板崔勤等審係無干毋庸議奉

旨崔三依擬應絞着監候秋後處決餘依議

闖牌賭食紅柿

雍正十一年十一月刑部議覆廣撫楊 咨稱澄海縣民謝阿柯存留王阿烏等闖牌賭食紅柿一案緣謝阿柯與王用賓合夥織席營生於雍正十年九月十五日謝阿柯挑席發賣路經海邊有海陽縣民辜阿興在海邊搭寮捕魚向謝阿柯取席一張言明價錢二十四文適因無錢遂以紙牌三副付謝阿柯抵作席價謝阿柯收回舖內藏放迨九月二十一日王阿烏謝阿貴至舖閑談見謝阿柯床上有紙牌王阿烏即取牌一副與阿貴賭食紅柿王吾觀王肇謹亦各至舖在旁觀看當為保正陳克良窺見稟縣拏獲謝阿柯等赴縣供出賣牌之辜阿興并開移海陽拘提造牌之辜阿清而阿清已先為海陽縣察獲通報歷審不諱將謝阿柯等擬以徒杖等因前來應如該撫所擬謝阿柯合依初犯開場存留賭博者杖八十徒二年例徒二

年及配所杖八十折責三十板俟徒限滿日回籍交與該地方官嚴行管束不許出境該撫既稱王阿烏鄭阿貴均應照賭飲食例杖八十在舖不行阻止之王用賓應照不應重律杖八十在旁看賭之王吾觀王肇謹均照不應輕律笞四十各犯已經照例先行分別折責發落造賣紙牌爲從之辜阿與應照例擬流但聽伊兄辜阿清主使辜阿清已于海陽縣造賣賭具擬軍現在另疏具題辜阿與應照家人共犯罪坐尊長律免科等語應毋庸議辜阿與賒欠謝阿柯錢文及謝阿柯存留賭博舖舍應令照追分別給主人官可也

造賣賭具因禁後初次違犯從寬枷責完結

雍正六年六月刑部議覆莊親王等各處拿送董五等違禁造賣紙牌骰子等十三案查董五祁八明知賭具係嚴禁之物猶肆無忌憚肆行造作貪圖射利貨賣殊干法紀董五祁八均應照民人造賣紙牌骰子爲首發邊衛永遠充軍例僉妻發邊衛永遠充軍至配所責四十板祁八年逾七十照律收贖張大王大傅光榮吳茂芸吳兆龍舖內搜出紙牌骰子甚多雖審無造作情弊然立法森嚴罔知畏懼仍藏匿貨賣亦屬不法張大等五名俱應照販賣爲首例僉妻流二千里至配所責四十板李大四兒大金等所藏紙牌骰子無多不過希圖小利俱係鄉愚實非造賣者可比均應照違

制律杖一百大金四兒俱係旂人鞭九十大金之主領催富寧應比照旂下家人犯賭博者家主係平人鞭二十五例鞭二十五仍將失察之

各職名查取交與各該部議處再各犯供稱骰子多係本京人造賣紙牌係外省人販賣是直隸各省顯有造賣賭具之人若不將各該地方官嚴加查察造賣者終不能息應行文在京各衙門并直隸各省嚴飭各屬務須寔力遵行在于所屬境內不時稽察嚴禁務絕倘再有造作貨賣及與販各省者或經該上司查出或經別處發覺卽將該管官題叅交部嚴加議處奉

旨董五等係嚴禁賭博之後初次犯法者著寬減其罪將應充發者枷責完結應行杖流者杖責完結該部酌量輕重發落仍將伊等姓名記註檔案倘再犯法違禁加倍治罪本內有各犯供稱骰子係本京人造賣紙牌係外省人販賣等語今該部將如何根究造賣賭具之處並未議及嗣後京城有犯賭博者務將何處造賣賭具之人嚴行究出治罪地方官及督撫一并處分通者爲例餘依議

造骰器具藏匿不獲

雍正九年二月刑部議覆河督田 題禹州孫福等造賣骰子一案緣孫福孫治孫良貴孫祿張耀文王誥辛朝孟并婦人蘇氏因貧難度日于雍正七年間曾各製造骰子陸續出賣嗣因該州查拏嚴禁卽行停止孫福等將骰子器具藏匿不行銷燬至雍正八年三月內經州訪聞拏獲歷審不諱按擬具題孫福孫治孫良貴孫祿張耀文王誥辛朝孟俱合依造賣骰子爲首例各僉妻發邊衛永遠充軍至配所各杖一百折責四十板蘇氏亦應發邊衛永遠充軍但年逾七十照律收贖該督旣稱地保王之舉路科俱依不首報例杖一百已經折責發落毋庸議造骰器具俱各銷燬孫福等所賣錢文照追入官再該督疏稱該州從前共察職名今經訪聞拏獲相應免叅再查本地有私造賭具之家而該州縣能緝拏懲治者知縣知州知府督

撫司道等官俱例得議敘所有禹州知州黃敬中等各職名相應題明至臣身任封疆化導無方未能使嗜利之徒將造賭器具悉行銷燬雖經該州查獲詳究臣實不敢循例並邀議敘合併陳明等語應將孛獲賭具之烏州知州黃敬中照例加二級許州府知府一分守道張建德前按察使司署布政司陳世倌均照例紀錄二次總督田 照例紀錄二次奉

旨依議

置造木骰原因 賭錢非欲出賣仍照賭博例治罪

雍正十一年十月刑部議覆都統查 叅奏正黃旗披甲金章偷造木骰子與阿達哈哈番李福等賭博一案李福白壽俱係管兵官員乃與披甲馬占等一處賭博有干法紀應將阿達哈哈番李福拜他拉布勒哈番白壽均革職照例枷號三個月鞭一百不准折贖金章因無賭具私造木骰原欲賭錢與造賣賭具者有間應將金章與同賭之馬占崔垣太吳景先廖崇仁俱照旗人賭博例各枷號兩個月鞭一百奉

旨知道了

藏匿賭具賭具照造賣爲首例充軍

雍正十三年四月刑部議覆准提督鄂 等拏送楊大藏匿賭具一
案審據楊大供我係山東青州府壽光縣民在安定門外高廟地方
居住我女人萬氏死了上年五月內有河南人宋大往張家口外喇
嘛廟去從我家門首經過留他住了一夜我也不曾問他是那縣人
因無盤費他將骰子十副並做骰子的器具一副留給我我給了他
二百文錢次早起身去了我不曾將這骰子并器具銷燬是實今年
正月十五日我拏着十副骰子去賣時被獲我並不會造骰子等語
查例內藏匿賭具器物不行銷毀者照造賣爲首例發邊衛永遠充
軍又雍正十一年十二月題定邊衛永遠充軍者加爲邊遠充軍等
語應將藏匿賭具不行銷毀之楊大照例先行咨送兵部發邊遠充
軍至配所杖一百折責四十板所獲骰子并造骰子器具銷毀其現

在張家口外喇嘛廟居住不知縣分河南人造賣骰子之宋大應行
大河東總督並直隸總督嚴飭各該地方官嚴緝務獲另結并將失
察之該地方各官查明照例報叅奉

旨知道了

造賣賭具再犯者遠遣

雍正十一年十二月刑部會看得繆子坤造賣紙牌一案據福撫趙
疏稱繆子坤藉隸江南江寧縣因在籍造牌發覺僉妻問遣至閩
於雍正十年十月初三日押發福寧州安插南社觀音閣內居住緣
此處並無隣佑子坤故智復萌用錢四百文覓刻字匠張大瀾雕刻
牌板兩塊於雍正十一年三月內造成紙牌拾副携至河邊與往來
船上不識姓名人將牌四副換米四升經福寧州吏目楊永樞訪知
拿獲並起獲牌板紙牌到案歷審不諱繆子坤應照造賣紙牌為首
例發邊衛永遠充軍但該犯原係造牌充軍至閩今又復犯軍罪應
比照重犯流律決杖一百於配所拘役四年張大瀾照為從例杖一
百流二千里年逾七十照律收贖等因具題查造賣紙牌久奉嚴禁
繆子坤因犯禁造牌僉妻發福建永遠充軍復於配所糾夥刻板造

牌貨賣帖惡不悛若但如該撫所題拘役四年完結殊不足以盡其辜應將繆子坤僉妻解部遵照雍正十年十一月二十日題定發往查克拜達里克北路軍營附近地方種地張大瀾年逾七十照律收贖保長林學鸞審不知情起獲牌板紙牌已經銷毀換牌係過往不知姓名之人無從查究應無庸議所換米四升折錢四十文併張大瀾所得工價錢四百文俱照追入官奉旨依議

製造紙牌援 赦免罪

乾隆元年正月刑部議覆廣撫楊 咨稱緣張聖傑向習裱褙營生因年老家貧難以度日起意製造紙牌貨賣覓利遂于雍正十二年十一月初四日往伊外甥劉道寧家免令雕刻牌板劉道寧不敢違禁刻牌堅辭而散迨初八日張聖傑自畫牌樣并帶錢一百文復往劉道寧家懇說至再劉道寧允諾即于初九日照依牌樣雕刻至二十日刻成牌板一塊二十五日張聖傑至劉道寧家將牌板帶回至十二月二十日陸續印刷裱褙雍正十三年正月初七十三等日張聖傑密帶紙牌往墟貨賣共賣去紙牌二十副得錢二百四十文旋于二月二十四日被兵役訪聞報縣將張聖傑劉道寧拘獲到案屢審不諱將張聖傑等擬以軍流并聲明買牌之人據供不識姓名無憑提究及造賣紙牌係在半年之內拏獲與議叙之例相符所有應

請議叙文武各職名俟查明開報到日另文咨送等因前來應如該撫所擬張聖傑合依民人造賣紙牌爲首例發邊衛永遠克軍遵照定例僉妻改發邊遠克軍至配所杖一百折責四十板劉道寧合依爲從例杖一百流三千里至配所折責四十板但張聖傑劉道寧事犯在雍正十三年九月初三日

恩赦以前應免罪張聖傑等所得賣牌錢并刻板工錢一并照追入官起獲牌板等物應行銷燬至議叙文武各職名應令該撫查明送部可也

製造賭具援 赦免罪

乾隆元年三月刑部議覆新興縣民劉廣華等製造賭具一案據廣撫楊 疏稱緣劉廣華于雍正十二年十二月十九日修理房屋在墻孔內揀出舊葉紙牌二副輒萌造賣之念二十一日攜帶舊牌前至熟識之刻字匠張攀桂舖內免其雕刻牌板許給工錢四百文先給現錢一百文張攀桂應允約定雍正十三年正月初六日赴取張攀桂卽刻成牌板一塊十字牌板二塊劉廣華交足工錢取板回家買脩紙張印刷裱褙初十日裁剪紙牌一百三十餘張因在竹筴上晒晾是日劉廣華因他事外出聞有巡檢到查地方慮恐敗露忙卽歸家藏匿牌版燒燬紙牌惟晒晾時被風吹落紙牌十餘張在墻角灰草之內未及檢燬經巡檢與該縣差役訪聞協同營兵拏獲到案歷審不諱將劉廣華等分別擬以軍流具題前來應如該撫所題劉

廣華合依民人造賣紙牌爲首例發邊衛永遠充軍遵照雍正十二年三月內改定僉妻發邊遠克軍至配所杖一百折責四十板張攀桂合依爲從例流二千里至配所杖一百折責四十板該撫疏稱張攀桂之母梁氏年已七十三歲家無次丁取有卹其各結應炤犯徒流罪父母老疾無人侍養律杖一百餘罪收贖存留養親仍照定例枷號四十日等語但劉廣華張攀桂所犯事在雍正十三年九月初三日

恩赦以前相應援免其該撫所請張攀桂留養之處毋庸議張攀桂所得刻板工錢四百文照追入官起獲牌板應行銷燬再該撫疏稱地方官拏獲賭具如製造不過半年卽能實力稽查拏獲者拏獲各官與該管上司例得議叙今劉廣華雇僱張攀桂雕刻牌板係在半年之內與議叙之例相符所有議叙文職係立將司巡檢張登第等武職

係羅定協右營二司把總李昌協防外委把總梁福等相應開列職名聽候部議至巡撫臣楊 與總督臣鄂 職任封疆分應督飭稽查不敢仰邀議叙等語查定例地方有造賣賭具之家如製造不過半年該縣能緝拏懲治者加二級巡檢典史照知縣例議叙又定例同城各官拏獲賭具首先訪獲者照例准其加二級協拏之文職紀錄二次其該管各上司無庸隨案併叙如該上司所屬地方一年內別無失察製造賭具及失察賭博等事准其將所屬拏獲賭具之案于歲底彙冊報部查明議叙至文職首先拏獲將協拏之武職紀錄二次協拏之上司無庸議叙等語應將半年以內首先訪拏之立將司巡檢張登第照例准其加二級協拏之新興縣知縣許湜羅定協右營二司把總李昌外委把總梁福均照例准其紀錄二次查許湜已經告休離任其紀錄之處仍應註冊梁福係外委官其紀錄之處

註冊俟得官日紀錄二次其肇慶府知府王元樞等俱係該管上司照例毋庸隨案併叙如所屬地方一年內別無失察賭具及失察賭博等事准其將所屬拏獲賭具之案于歲底彙冊報部到日再議羅定協右營都司魏子鳳等係協拏之武職上司無庸議叙奉

旨依議

雕刻牌板置造紙牌援 赦免罪

乾隆二年三月刑部會覆海陽縣民許阿惠等造賣紙牌一案先據廣撫楊 咨稱緣許阿惠向業裱畫紙扇因生意淡薄難以度日雍正十三年四月內乘潮郡考試生童商賈雲集起意製造紙牌貨賣見平日熟識之龔阿求住居冷靜巷底無人往來遂商同合夥製造賣錢分用龔阿求應允許阿惠即往尋熟識刻字之曾阿三免其雕刻牌板先送工錢二百文曾阿三因貧收受同至龔阿求家中許阿惠買備木板描成牌樣交與曾阿三雕刻至閏四月十一日刻成牌板一副許阿惠嫌其式粗復許給工錢二百文免其再刻一副至十六日曾阿三亦為刻就工錢尚未找給曾阿三即回舖中許阿惠于十七日買備紙料即于是夜在龔阿求家中印刷造成紙牌四十二副二十一日龔阿求先持二十副賣與熟識之林阿佑託言朋友外

路帶來變錢急用林阿佑用錢二百四十文買受于二十二日携往揭陽縣棉湖墟貨賣行至萬里橋搭船即將紙牌二十五副零星賣與船上不識姓名客人共得錢三百文餘牌携回收藏許阿惠龔阿求遂各分用賣牌錢八十文餘錢買紙仍回龔阿求家夜間陸續印刷裱褙迨至二十三日夜城守營守備帶領把總會同該縣查夜巡見龔阿求家灯光可疑叫門入室當獲許阿惠龔阿求并牌板紙牌窵出刻板之曾阿三買牌之林阿佑拘獲到案屢審不諱將許阿惠等分別擬以軍流援

赦寬免咨部完結經本部以軍流案件例應題結行令具題到日再議去後今據該撫具題前來應如該撫所題許阿惠合依民人造賣紙牌爲首例發邊衛永遠克軍遵照定例僉妻發邊遠克軍至配所杖一百折責四十板夥同造牌之龔阿求與受雇雕刻之曾阿三均合依造賣紙牌爲從杖流例僉妻流二千里至配所杖一百折責四十板販賣紙牌之林阿佑合依販賣爲首杖流例僉妻流二千里至配所杖一百折責四十板許阿惠等事犯在恩赦以前均應免罪奉旨依議

製造紙牌未賣減等擬徒

乾隆七年四月刑部咨據廣撫王 咨稱開平縣民張雲韶雕刻牌
板製造紙牌一案緣張雲韶向賣油糖生理乾隆六年三月內虧本
無計營生因幼年曾學刻字起意雕刻牌板恐父兄保鄰查察遂往
新會地方向不識姓名人買舊爛三板小艇一隻修整置就木板器
具于肆月十二日雇倩黃亞瑞撐駕議定每月工錢四百文在于長
沙河下偏僻處所灣泊拾五日張雲韶雕刻牌板至五月初二日刻
成湖牌一副拾字牌板壹副買備紙張印刷裱褙十五日裁成湖牌
二百二十五張裱成未裁湖牌叁十九塊印成未裱十字牌一束因
所製不佳尚無人買二十一日張雲韶駕船往長沙埠買米灣泊廟
前河下適有沙崗司巡檢協同汛兵巡查訪知拿獲張雲韶黃亞瑞
併牌板紙牌等物解縣屢審不諱張雲韶應依民人造賣紙牌爲首

發邊遠克軍但張雲韶止係製造紙牌尚未售賣並無獲利亦無貽害較之造而已賣者情罪尚輕查例內未有造而未賣作何治罪之條若將該犯竟照造賣紙牌擬遣似無分別可否念其未經發賣于軍罪上量減一等杖一百徒三年至配所折責四十板徒限滿日遞回原籍交地方官管束不許出境聽候部議黃亞瑞訊係受雇撐駕並無幫助邱刷情事合依知情不首律杖一百折責四十板埠保譚重山梁梓侃詢無知情受賄徇縱情事但憊於查察應照總甲例笞五十各折責二十板革去埠保管杖各犯先行發落張雲韶之父張紹員不知伊子在船製造賭具應毋庸議所獲三板小艇變解人官牌板紙牌等物銷燬本案賭具甫經造成卽被拿獲並無失察所有議叙文武職名俟查開到日另咨等因前來查例內民人造賣紙牌骰子爲首者改發邊遠克軍等語蓋因其造而又賣輾轉販鬻流毒

無窮故定例甚嚴今張雲韶雖製有紙牌尚未出售貽害究與造而又賣者有間應如該撫所請將張雲韶照造賣克軍例減一等杖一百徒三年至配所折責四十板餘俱照該撫所議完結可也

牌版雖係他人雕刻但已印刷造賣即同為首治罪

雍正十三年五月刑部會議覆崇安縣民王章造賣紙牌一案據福撫盧疏稱緣有伍新榮開張紙馬店為生素譜雕刻曾欠王章米銀二兩六錢四分未還雍正十一年八月內伍新榮因生意不好將紙馬牌板削去刊刻牌板四塊欲造牌賣錢隨即患病未經印刷十月內王章往索前欠伍新榮遂將牌板棕刷抵還即于二十四日身故王章于雍正十二年正月初二日乘分居之父王阜赴郡歲試分居之弟王提承外出生理潛行印刷紙牌二十副詭稱他人所寄將一十五副托伊表兄董龍代賣董龍聽從陸續賣與不知姓名船梢客人得錢二百三十文董龍收受未曾將錢交還王章王章尚存牌五副在家經崇安縣訪查會營拿獲到案歷審不諱查此案牌板雖係伍新榮雕刻王章現已印刷造賣即同為首將王章擬軍董龍等

擬杖先行發落等因具題查民人造賣紙牌爲首者照雍正十一年十二月內題定之例改發邊遠克軍該撫旣稱此案牌板雖係伍新榮雕刻王章現已印刷造賣卽同爲首應如該撫所題將王章照造賣紙牌爲首例僉妻發邊遠充軍至配所杖一百責四十板該撫旣稱聽從指使賣牌之董龍照不應重律杖八十責三十板稽察不嚴之鄉保劉大亨隣佑吳二舅葉乃德邨三九均照例杖一百劉大亨仍革去鄉保俱照例發落王舉失義方之訓但年逾七十已經咨革衣頂王提永亦經分居並不知情其買牌之人不識姓名無從拘獲等語均無庸議起獲牌板紙牌飭令銷毀董龍所得賣牌錢文照追入官再該撫疏稱所有拿獲賭具職名例應議叙但伍新榮雕刻牌板已經身故年月一無可憑功過相抵無庸議叙等語相應免議奉旨依議

牌板雖係買自路人但已印刷造賣卽依爲首例治罪

乾隆四年六月刑部會議覆李士心造賣紙牌一案據陝撫張疏稱緣李士心曾克神不營字識因貧逃走行至山西興縣地方途遇劉姓人言及造牌有利其人藏帶牌板一副李士心出銀買歸卽置備紙張等物陸續造成牌二十八副賣與不識姓名貨郎其賣錢九百四十五文僅留一副藏貯筐內有營兵劉恩適見筐內紙牌遂給錢四十文買回經該縣拿獲並在李士心劉恩家起獲牌板紙牌研訊不諱將李士心依例擬軍劉恩等擬以杖笞等因具題應如該撫所題李士心合依造賣紙牌爲首者發邊遠充軍例僉妻發邊遠充軍至配所杖一百折責四十板劉恩買牌止圖頑耍並非轉賣應照違

制律杖一百折責四十板革退名糧鄉地賀明侯韓成禮保正盧美煥均

照總甲不行查拿例笞五十各折責二十板該撫既稱李士心所得賣牌錢共九百八十五文照追入官其在路賣給牌板之劉姓及買牌之貨即訊無姓名住址應免查緝牌板紙牌銜縣銷燬等語均應如該撫所議完結再該撫疏稱查李士心製造紙牌自正月二十八日起至三月十一日即被拿獲在半年以內例得議叙所有神木縣知縣張元林職名相應聲明等語應將半年內拿獲造賣賭具之神木縣知縣張元林照例准其加二級可也奉

旨依議

窩留軍犯造賣賭具即依造賣為首例治罪及先因置造賭具發遣復在配置造改發種地

雍正十三年 月刑部會議覆李平等窩留逃軍陳沛秀刺版造牌一案據直督李 將陳沛秀照繆子坤充軍在配復造紙牌之案擬發鄂爾坤地方種地仍刺逃軍二字李平照例擬軍李三擬流張義貴等擬杖等因具題查雍正十二年二月內臣部議覆福撫趙 題繆子坤造賣紙牌充軍復在配所造牌貨賣將繆子坤擬發查克拜達里克北路軍營附近地方種地在案今該督既稱陳沛秀先因製造賭具發遣今從配所逃回又復造賣紙牌與繆子坤之案相符等語應將陳沛秀僉妻解剖刺字咨送戶部遵照雍正十一年十二月內題定發往鄂爾坤地方種地李平合依造賣紙牌為首者發邊衛永遠充軍例遵例僉妻改發邊遠充軍至配所責四十板李三合依

刑案彙編 卷二十一
為從例僉妻流二千里至配所責四十板該督既稱地方張方義等
毫無覺察合依不應重律杖八十先行折責發落革役均無庸議奉
旨依議

借給住屋造賣紙牌比例杖徒保甲失察比例答微

雍正十二年二月刑部會議覆安撫徐 審題姚垣造賣賭具一案
查例內民人造賣紙牌為首者發邊衛永遠充軍又雍正十一年十
二月題定發邊衛永遠充軍者加為邊遠充軍等語應將為首之姚
垣僉妻發邊遠充軍至配所責四十板郭歡合依為從例僉妻流二
千里至配所責四十板該撫既稱汪呂氏借房容留造牌比照初犯
存留賭博例杖八十徒二年汪呂氏係姚垣無服之親應減一等杖
七十徒一年半係姪人照例收贖鄉約宋華保正姚鈿應照提甲失
察賭博例各答五十先行折責鄰佑訊不知情應免議等語均無庸
議奉

旨依議

造賣紙牌雕刻與描畫分別治罪

乾隆三年十二月刑部會議覆大庾縣鍾蒂俸包文勝造賣紙牌一案據江撫岳 疏稱緣鍾蒂俸自幼學畫兼刻圖章因脚沾瘋疾難于行動年老貧苦不能覓食遂起意造賣紙牌子乾隆二年九月初二日描畫牌樣至十五日雕成牌板一塊二十三日刷牌十副內被墨水參壞一副止存九副陸續裱褙五副因脚廢疾不能携出貨賣至十月二十日遇有廣東不知姓名貨郎在伊門首賣貨鍾蒂俸誘令至家將牌四副賣與得錢六十三文又于二十二日刷牌十副時值陰雨不能裱褙未經出賣又有包文勝幼習畫匠不成肩販為業因貧難度遂起意造賣紙牌子乾隆二年八月二十日起手描畫至十月二十九日止陸續描畫裱成紙牌七副將兩副賣與過往不知姓名船客得錢三十文十月二十九日包德耀與熟識之蔡惟政偕

至郭招仔剃頭處所談及衣單天寒欲賭酒共飲而無賭具包德耀
稔知鍾蒂俸包文勝賣牌遂聲言往買郭招仔出錢二十七文交與
包德耀包德耀先赴伊弟包文勝家中適包文勝外出旋將錢二十
文赴鍾蒂俸買牌一副餘錢七文并交郭招仔未及回賭即經差役
查獲報縣該縣親督典史協同營弁兵役前往鍾蒂俸等家起出牌
板刁刷等物屢審不諱將鍾蒂俸包文勝依例擬軍包德耀等擬杖
并聲明鍾蒂俸廢疾收贖等因具題應如該撫所題鍾蒂俸包文勝
合依造賣紙牌為首例發邊衛充軍照例加為邊遠充軍至配所杖
一百折責四十板鍾蒂俸脚患瘋腫廢疾照律收贖包文勝用筆描
畫紙牌與刻印流播者有間是以臣部從前將旂人元寶李文玉張
六等描畫紙牌各犯但照刻印造賣者減一等治罪具奏俱蒙
俞旨通行欽遵辦理在案續據巡視北城察院瞻塔海拿送民人孫之信

用筆描畫紙牌經臣部亦照民人造賣紙牌例減一等治罪具題准
行在案今民人包文勝描畫紙牌亦照刻印造賣充軍例減一等杖
一百徒三年至配所折責四十板俟徒限滿日交與地方官嚴行管
束該撫既稱包德耀除知伊弟包文勝造牌係不同居例得容隱并
議賭飲食各輕罪不議外但代賣紙牌一副應照違

制律杖一百郭招仔蔡惟政雖尚未賭博但商同買牌共賭應照不應重
律杖八十鍾蒂俸之保甲陳爾多蕭蒂珍包文勝之保甲張非池鍾
惟芳均訊不知情但失于查察俱合依不應重律各杖八十先行發
落陳爾多蕭蒂珍張非池鍾惟芳仍革去保甲隣佑彭林瑞蔣汝龍
訊不知情均毋庸議至鍾蒂俸隣佑包德耀知情不首已照違

制律問擬應免重科其賣牌不知姓名之人應免查緝賣牌錢文並郭招
仔買牌所剩錢文同裁劫刀四把追變入官牌板紙牌棕刷等項銷

燬等語均應如該撫所擬完結再查乾隆三年十月二十六日臣部議覆監察御史王柯條奏嗣後凡屬成案未經通行著為定例者毋得牽引果有與舊案相合可援為例者許于本內聲明附請著為定例通行畫一辦理等因具題奉

旨依議欽遵在案除旂人描畫紙牌減等治罪之案業經通行外其從前民人描畫紙牌減等治罪之案尚未通行應照例子本內聲明俟命下之日通行內外開刑衙門一體遵行奉旨依議

描畫紙牌減等治罪

乾隆三年六月刑部奏竊照造賣紙牌例內未分刊刻描畫是以向來俱照造賣賭具一體問擬嗣於上年十月內有提督衙門拿送旗人元寶描畫紙牌一案經臣部審明元寶描畫紙牌係用筆描寫實與印板造賣者有間將元寶照旗人造賣紙牌擬絞例減等滿流枕枷號鞭責具題奉

旨依議欽遵在案前因兵部以失察造賣賭具各官例有處分今描畫本犯既得量減則官員處分亦應另議具奏隨蒙

皇上升

旨詢問曾經臣等將擬減緣由繕寫摺片奏覆奉


旨刑部此案辦錯了既係造賣自應不論刊刻描畫俱照例問罪以後不可再錯欽此仰見

聖鑒周詳嚴懲賭博之至意但臣等伏查造賣賭具之案實有刻板描畫
 二種其刊刻板之徒一經雕成牌板立時可以刷印多張計其輾
 轉販鬻散布四方流毒實為無窮不得不嚴加懲創若止用筆描寫
 既非俄頃之功陸續描成亦難多有出售獲利尚微貽害猶淺較之
 刊板造賣按其情罪洵有輕重之差即如偽造印信定例雕刻假印
 之犯例應擬斬若但描摹印信行使誑騙財物犯該徒罪以上者問
 發極邊充軍其為數無多犯該徒罪以下者計贓以次遞減是偽造
 假印尚有雕刻描畫之殊別造賣賭具亦應照此例分別定擬且現
 經兵部議覆嗣後失察描畫紙牌各官請照造賣紙牌例減等處分
 等因奉

旨這所奏是依議欽遵在案今臣部現有直隸旗人李文玉張六描畫紙
 牌二案科抄到部臣等核其情罪與從前所辦旗人元寶減等擬流
 之案相符似應仍照前案辦理因既奏有

諭旨臣等未敢擅便理合一併
 奏明恭候
 聖訓以便遵行奉
 旨着照前例辦理

歷代通鑑輯覽 卷二十六



關割火者

私行關

康熙四十九年正月刑部據正藍旂奉恩將軍拏逸伊家下疋頭董儒林名下牘丁宗兒將伊子五兒私行關割緣由到部審問宗兒私將伊子關割是正將宗兒照不應重律鞭八十奉

旨知道了

欽定四庫全書

卷二十六 雜犯

關割火者

囑託公事

京官子弟挾制

康熙二十九年九月吏部議浙撫張鵬翮疏刑科錢紹隆之子錢從京來浙手持錢紹隆試卷拜帖求見云今歲大比之年分考各官皆係屬吏曲全功名自有報答又差家人投書內云某學業疎陋懇曲爲裁就拔置青雲又夾小單內開生員葉金懇送學院錄取遺才明係倚勢挾制除將錢等拏禁外相應題叅查定例內科道官員原籍地方所有子弟挾制而督撫有據者在京父兄不行約束俱革職等語應將刑科給事中錢紹隆照例革職



失火

衙署失火

康熙三十一年十二月吏部議覆安撫江有良疏稱臣署書吏廚房失火沿燒卷房二間當即救滅檢查原貯卷案除搬出現存外其焚汚者見在移行各衙門查取存案惟查本年填用舊火牌五張亦被焚燒等因查定例官員失火以致沿燒文卷者罰俸一年等語應將安撫江有良罰俸一年被焚卷案該撫自移行各衙門查寫註冊

公廨失火延燒

雍正八年九月刑部覆據陝督查 題總督衙門川房看卷書辦寇
金聲失火延燒科房卷宗一案緣川房原派書辦寇金聲何應先何
人龍看守文卷因何人龍患病出外延醫何應先以何人龍病重亦
出往看僅留寇金聲在房內因造飯爐旁桌上有舊告示一張是日
飯後寇金聲恐火熄加炭種火旋往陝房查卷不意爐火引燒桌紙
蔓延莫救訊之寇金聲不能記憶所燒何卷嚴訊至再矢口不移委
無別故寇金聲雖無放火故燒情弊但伊主守不謹咎亦難辭將寇
金聲擬徒何應先摘釋等因具題應如該督所題寇金聲合依官府
公廨內失火律徒二年至配所杖八十折責三十板仍革役該督既
稱何應先等審係無干應行摘釋等語應無庸議其被燒文卷令該
督行文各該處按年錄送存案奉

旨依議

[Faded bleed-through text from the reverse side of the page]

悞燒公文懼罪不報

康熙四十三年 月吏部查得兵部咨稱直撫李光地以都察院行長蘆鹽院公文于康熙四十二年十二月二十二日自通州遁至河西驛舖司顧守智將公文遺落火盆燒燬懼罪隱匿不報顧守智應照律杖徒將失于查報之武清縣知縣章會印等指忝原抄移送吏部議處等因前來應將武清縣知縣章會印河西驛驛丞李瑤蓐均照例罰俸三個月奉

旨依議 巡道因查部文內此角關係錢糧字樣將顧守智炤棄燬官文書事于錢糧者絞悞燬者減三等杖九十徒二年半之罪律詳院細繹律內事于軍机之句重在軍机二字四字一串分開不得今摘去軍机二字因事于錢糧即炤此律減等擬徒似失律意應炤誤毀官文書杖七十為當

兵丁失火燒燬盔甲將弁罰俸賠補
雍正七年四月兵部咨據河督田 疏稱東平州汛已故步兵沙成
禮于雍正六年六月十九日晒藥吃烟失火燒燬甲等物並無沿燒
官署民物將踈縱兵丁失火該管武職各官題參前來應將該管東
平汛把總劉士俊參將周琰守備譚嘉謨照例各罰俸六個月查守
備譚嘉謨任內有紀錄一次應銷去紀錄一次抵銷罰俸六個月其
燒燬盔甲器皿等物令該督查明着落賠補奉
旨依議

兵丁失火燒燬盔甲將弁罰俸賠補

雍正七年四月兵部咨據河督田 疏稱東平州汛已故步兵沙成

禮于雍正六年六月十九日晒藥吃烟失火燒燬甲等物並無沿燒

官署民物將踈縱兵丁失火該管武職各官題參前來應將該管東

平汛把總劉士俊參將周琰守備譚嘉謨照例各罰俸六個月查守

備譚嘉謨任內有紀錄一次應銷去紀錄一次抵銷罰俸六個月其

燒燬盔甲器皿等物令該督查明着落賠補奉

旨依議

燒燬火藥等物

康熙三十五年九月工部覆湖撫年遐齡題火藥等項關係緊要軍需都司陳正國親進藥局不行謹防以致燒燬火藥房屋等物不便比照常例相應將陳正國降三級調用奉旨依議

火從地發燒燬火藥

康熙三十六年閏三月工部覆福督郭世隆題福州府北門內火藥庫二更火發燒燬火藥硝磺震倒民房查定例失火燒燬官兵房屋盜甲等物者該管官罰俸六個月等語又查康熙三十五年九月內據湖撫年遐齡將都司陳正國驗看藥局扳倒藥鐮擊石觸起火星燒燬等因題叅部議陳正國降三級調用在案今該督既稱福州府火藥庫被火燒燬之處係二更後火從地發所致既非人事觸擊事出意外等語不便比照都司陳正國例應將同知王駿知縣譚述照失火燒燬盜甲等物定例俱各罰俸六個月再查前次燒燬火藥勒限四個月因限內未完情由降三級戴罪賠完在案今應行該督勒限四個月作速賠完奉

旨依議

倉廩失火

康熙三十八年五月吏部議通州西倉失火情由查定例該管地方失火延燒文卷及官倉米石者罰俸一年等語應將新舊監督等看倉鑲白旂八品官均照例各罰俸一年倉役合依若干倉庫內失火者律杖八十徒二年看守甲兵贖典俱係巡查看守人役難免疎忽之咎俱依不應重杖其燒燬不堪及虧折米石着新舊監督及倉役贖典各名下照數追賠奉

旨依議

失火延燒倉糧

康熙三十二年七月兵部議岳州衛居民失火延燒常平倉積穀衙署文卷誥封等項應將守備孫照例罰俸一年積貯穀石先經該撫具題應一半備貯一半照時價糶賣易銀因何不行糶賣以致燒燬且倉糧虧折有賠補之例應行令該撫着落經管官名下賠補。又康熙三十四年十二月吏部覆偏撫楊起鳳岳州失火延燒常平倉穀一萬二千餘石着落經管名下賠補一年限滿無完將承追不力之知府寧思聖賠補之守備孫咨參將知府罰俸一年仍令督催先經守備火燒倉糧因無一定處分照兵餉以怠緩稽遲例降三級戴罪完納在案再查兵餉定例內欠七分者戴罪督催限滿又不完者比照屯糧限滿欠七分例革職奉

旨依議

民房失火延燒倉庫等項不應令地方官分賠

雍正十年八月吏部會議覆奉天府尹楊 疏稱鉄嶺縣城居民陳
有新家于雍正十年五月二十一日失火一時風狂火烈延燒衙署
倉庫監獄文卷據該縣稟報隨委員查勘去後茲據奉天府治中會
同將軍衙門委員查驗延燒旂民房屋八百餘間衙署倉庫共四十
八間倉廩九十九間其存貯之項除燒燬糶米小錢一千三十八千
三百六十文續據照數賠補貯庫外內燒燬叅革知縣孫國英任內
未經交代共倉斗米豆谷麥二萬八千三百四十五石二斗實係燒
燬無存又搶救出米谷麥共二萬九百三十四石九斗雖無傷損但
經烟薰水潑之後難于久貯應請開糶至歷年文卷俱被燒燬等情
具結詳覆除搶救烟薰水潑米谷等項現在檄飭開糶勒限買補還
倉不敷價值在于新舊各任追賠火燬文卷查明補抄備案外所有

救援不力之新任委署知縣朱佑濂舊任知縣王烈孫國英等相應指叅再燒燬米石及衙署倉庫監獄例應賠修買補雖據朱佑濂詳稱失火之日甫及半月尙未接收交代但督率人夫竭力撲救均非離任之員所能辦理且該員當火熄之後並不搶救倉底燒存餘米束手無策卽赴臣衙門面稟以致餘焰薰燬益多咎更難辭應請將火燬米豆谷麥着落新舊各半分賠其燒燬衙署倉庫監獄等項俱着新任之員賠修又王烈係試用人員于五月初六日離任孫國英已于別案叅革典史朱牧失火之日因公出境例得免議合并陳明等因具題除典史朱牧因公出境毋容議叅革知縣孫國英接任試用離任知縣王烈該府尹既稱督率人夫撲救非離任之員所能辦理等語均應免議外應將救援不力之知縣朱佑濂照例罰俸一年至疏稱米豆谷麥着落新舊各半分賠衙署倉庫監獄等項着落新任之員賠修等語查燒燬倉廩主守之員如果有侵那虧空情弊或舊任之員糧石虧空難以交盤因借此爲掩飾之端者固應勒令賠修以還帑項今查鉄嶺縣倉廩等項係民房失火延燒入百餘間一時風烈火猛勢難撲滅事出意外非有心捏飾者可比且新任之員已經搶出米谷二萬餘石並非坐視不救可知今救援不力既經叅處所有火燬糧石不應責其賠補其舊任之員業經離任督夫撲救未免呼應不靈則糧石亦不應令其分賠至衙署監獄倉廩等項朱佑濂以甫經到任之員卽遽令賠修一百四十七間之多無論該員之力不能賠修徒受叅處而于官署倉廩終無裨益卽令該員極力修葺勢必多方那措亦殊非勸廉之道况律載倉庫若失火延燒事出不測者勘明實跡免罪不賠等語今鉄嶺縣延燒倉廩等項與律內所載相符應將該府尹所請火燬糧石着落新舊各半分賠倉廩

內所載相符應將該府尹所請火燬糧石着落新舊各半分賠倉廩

等項着落新任之員賠修之處無庸議其搶出米二萬九百三十四石零既經該府尹飭令開糶應將米谷成色據實確佑定價發糶仍將所糶價銀儘數買米還項其不敷價值着落追賠之處亦無庸議至應建衙署倉廩等項應令該府尹照伊所開間數基地確佑價值具題動支正項錢糧卽行委員堅固修造俟工竣之日照例題銷可也奉

旨

漕船失火

康熙三十年五月總漕董 疏旗丁陳如等船隻風刮火星燒燬所有揚州衛三幫千總嚴宗壁等巡察不謹應題叅吏兵二部議應將押運廬州府通判崔 照例降一級調用夏津縣主簿王 照例罰俸一年夏津知縣徐 因公出境應免議嚴 照例降一級調用專汛臨清營把總張 照例罰俸一年兼轄臨清營副將徐 既不同城毋庸議

站船失火延燒責令地方官公捐賠造

康熙四十九年二月兵部議得原任偏撫趙申喬咨稱湖北站船灣泊漢口居民失火延燒先經湖北巡撫題請補造七隻部覆因驛道成光委守備王選搜查私鹽以致延燒比照戶部漕船之例令成光王選賠造今湖北燒燬漕船四隻戶部已免成光王選分賠湖北站船向來灣泊漢口非因王選查船而失火又非漕船失火而延燒不但成光不應分賠即王選亦無應賠之法咨請示覆等因前來臣部以漕船果否准免分賠移查戶部回稱湖北燒燬漕船四隻該管地方官不於起火之時速為救護以致延燒行文該督着落湖北地方官速行賠造濟運在案等語查湖北驛站船隻關係緊要雖係失火延燒但湖北燒燬漕船四隻戶部既已着落湖北地方官賠造則此項燒燬紅座船六隻宜樓船一隻亦應移咨湖北巡撫着落該管地

方官作速公指賠造應差仍將完工日期報部可也奉
旨依議

賠修快舡遲延題叅降級後雖修完不准開復

康熙五十二年八月吏部議得江督赫 疏稱解任江南駙傳道劉
邦彥賠修火燬沙快船隻一案前因限滿未據修完兩經題叅先奉
部議將劉邦彥銷級免降續奉部議將劉邦彥于補官日降一級調
用仍令賠修此案賠修沙快船原係居民失火延燒部議賠修又因
船多費重一時措置不及以致遲延題叅部議降級今沙快船隻業
已賠修全完所有原叅劉邦彥議處銷級降級之案相應題請開復
等因具題查解任駙傳道劉邦彥先因賠修沙快船隻限滿未據修
完經該督題叅臣部照例降一級調用加級抵銷續又限滿未據報
完經署督咨叅臣部照例于補官之日降一級調用各在案已經降
調完結之案並未有賠修全完開復之例應將該督題請開復之處
無庸議奉

旨依議

竊取當貨放火燒房希圖掩飾

乾隆六年七月刑部會議覆石門縣夏矩典舖當夥汪世榮竊物放
火故燒當房貨物一案先據浙撫盧 疏稱緣夏矩開張典舖雇汪
世榮在典管包汪世榮起意行竊三更時分竊取珠飾并銀五十兩
恐典主知覺復取阡張點火從帳子上燒及當房迨火光焰熾汪世
榮喊起典夥倪子立倪子立敲開典主住房牆門一同撲救汪世榮
開門逸出投奔伊父伊父汪再梁聞知夏典失火將汪世榮送歸夏
典其時火已救熄止燒樓屋平廳當貨尚未延燒隣居屢審不諱汪
世榮應依惡徒謀財放火甫經故燒隨即救熄尚未延燒例擬絞監
候等因具題經臣部等衙門查汪世榮先已盜取典舖銀兩首飾隨
用阡張點火從帳子燒及當房致將典主樓房平廳并當物俱已燒
燬且該犯所燒房屋係典主之房並非自己房屋原不待延燒隣居

者始為延燒該撫以汪世榮放火未曾延燒隣居遂將汪世榮照謀財放火甫經故燒隨即救熄未及延燒例擬絞監候情罪不符應令該撫再加詳審妥擬具題到日再議等因具題咨行去後今據該撫疏稱查汪世榮先已盜取典主財物隨即放火故燒房屋貨物雖未延及隣居而放火故燒却係典主之屋並非該犯自己房屋原不待燒及隣居始為延燒前擬絞候誠未允協汪世榮應改照放火故燒民房律擬斬監候等因具題應如該撫所題汪世榮應照放火故燒民房律擬斬監候秋後處決再該撫疏稱汪世榮罪名已經遵駁改正所有從前錯擬各官相應照例聲明均邀免議等語應毋庸議奉旨汪世榮依擬應斬著監候秋後處決餘依議

僧道官失火

康熙三十八年正月吏部覆臺臣江 題查廟寺失火將僧道官作何處分未有一定之處但例內官員該管地方失火燒燬房屋著罰俸三個月等語韓尚志雖不是該管道官乃係廟內居住之人不能小心以致延燒廟宇朱天麟乃專管東城地方廟宇之員並不嚴禁小心火燭以致廟內延燒廟屋查道官韓尚志朱天麟俱係從六品但道官無俸應將伊等各降一級留任奉旨江球著罰俸六個月餘依議

放火故燒人房屋

放火燒船比例治罪

雍正五年閏三月刑部會議覆蘇撫陳 審題周生等放火燒燬王
煥章魚船一案查王煥章販魚爲業適有筏戶朱九華張大兩筏由
海捕魚而回王煥章索取魚樣九華不允兩相爭毆九華筏上之張
生張小張大筏上之胡祥阿三皆被毆及王煥章將九華推跌張小
張大不甘糾同周生等八人尋至王煥章泊船之所值煥章他往張
小卽同張大登船放火焚燒而歸除張小張大病故不議外周生胡
祥劉祥比照放火故燒人空間房屋爲從減一等律杖一百徒三年
王煥章比照以竊報強例杖一百已經折責毋庸議同行燒船之阿
三等獲日另結被燒船隻着落周生等各名下追賠奉

旨依議

臣等謹將該縣民曹天印被朱鳳龍毆
 傷涉水溺死一案奉
 旨依議此本內奏稱該撫魏廷珍有違禁演戲之保長杖八十發落等語
 查雍正元年間李鳳翥曾經奏稱鄉邑之中共為神會歛錢演戲男女
 混雜耗費多端應行禁止朕因其所奏得理即降旨允行蓋州縣村墅
 之間豪強地棍借演戲為名歛錢肥己招呼匪類開設賭場男女混淆
 聞毆生事種種不法擾害鄉愚此則地方有司所當嚴禁者至于有力
 之家祀神酌愿歡慶之會歌咏太平在民間有必不容已之情在國法
 無一概禁止之理今但稱違例演戲而未分晰其原由則是凡屬演戲
 者皆為犯法國家無此科條也

搬做雜劇

民間演戲未便一概禁止

雍正六年三月刑部議覆安撫魏

傷涉水溺死一案奉

旨依議此本內奏稱該撫魏廷珍有違禁演戲之保長杖八十發落等語

查雍正元年間李鳳翥曾經奏稱鄉邑之中共為神會歛錢演戲男女

混雜耗費多端應行禁止朕因其所奏得理即降旨允行蓋州縣村墅

之間豪強地棍借演戲為名歛錢肥己招呼匪類開設賭場男女混淆

聞毆生事種種不法擾害鄉愚此則地方有司所當嚴禁者至于有力

之家祀神酌愿歡慶之會歌咏太平在民間有必不容已之情在國法

無一概禁止之理今但稱違例演戲而未分晰其原由則是凡屬演戲

者皆為犯法國家無此科條也

房山集 卷二十六

